

# LAI CAO PRAWNG

## (Judges)

### *Pex Ka Meung Khanan*

**1** Khaix hoik yum Yawsux, pui Isarelax deeh chawk ka Simiang Siyiex ah nin, "Mawh mawx pa sang hu sivoe yix ka haktiex Khanan sonsang puing yix ka kix lie?"<sup>2</sup> Simiang Siyiex ah nin, "Tak mawh Yudax pa hu sivoe pex, Aux tak ap haktiex an ka daux tawm taix nawh heue."<sup>3</sup> Mawh kheu nan Yudax deeh ah nin ka puxke tix Simion, "Hu tau mai aux ka haktiex pa hoik goih kix tix tawx son aux sonsang puing ka pui Khananix, aux tak hu tau mai maix ka daux haktiex pa hoik goih kix ka maix"<sup>4</sup> mai Simion yaog ti hu tau mai nawh heue.<sup>4</sup> Yudax lih hu mai Simiang Siyiex ap ti tawx pui Khananix khawm pui Pherazix ka daux tawm taix kix heue. Mai kix pah pui tix mheen ka daux veng Bezier heue.<sup>5</sup> Kix yaox simiang Adawnixbezier ka daux veng Bezier tan mai kix puing ka nawh, kix hoik pex ka pui Khananix mai pui Pherazix khawmuik heue.<sup>6</sup> Simiang Adawnixbezier to luan mai kix hawt pheet nawh mai pon giex ka nawh mai kix tat giien ting taix nawh mai giien ting caong nawh heue.<sup>7</sup> Mai simiang Adawnixbezier ah nin, "Aux hoik tat giien ting taix mai giien ting caong simiang atixgliah kaux can pa ih priex ka greem pheen sawm aux, awm pa hoik yuh aux, Siyiex hoik deeh pawk ka aux heue." Khaix an kix viex nawh hu ka veng Yerusalem mai nawh yum tan heue.

### *Yudax Pex Yerusalem Mai Hebron*

**8** Pui Yudax khankix puing veng Yerusalem mai rhim ti tee an, kix pah pui veng an ka lawm vaid mai gleeing veng ka ngu heue.<sup>9</sup> Khaix an, pui Yudax lih hu sonsang puing ka pui Khananix pa ot ka piang gawng lua mai ka dee lung khankix heue.<sup>10</sup> Khaix an, Yudax hu puing ka pui Khananix pa ot ka daux veng Hebron, ceukaux veng Hebron glang ka an mawh Kirayatarabax mai kix pah Sheshie, Ahiman mai Talamie khankix heue.

**1:20** Yaw 15:13-14. **1:21** Yaw 15:63, 2Sa 5:6, 1Been 11:4.

### *Awtanelax Pex Ka Debirax (Cao 15:15-19)*

**11** Khaix an, kix hu ka pui pa ot ka veng Debirax, ceukaux veng Debirax glang ka an mawh veng Kirayat heue.<sup>12</sup> Kaliep ah nin ka kix, "Pui pa pon puing ka veng Kirayatsepha mai pon rhim ti tee veng an, aux tak tawx nawh moeng kawn sibun tix Akhasax heue."<sup>13</sup> Awtanelax kawn simex Kenat, pa mawh pux Kaliep hu puing ka veng an, mawh kheu nan Kaliep tawx nawh moeng kawn sibun tix Akhasax heue.<sup>14</sup> Yam hoek sibun an ka mex tix nawh nyawglaw mex tix, mhaing kaung cie keeing tix tix guang, yam lih sibun an khaing la brug tix, Kaliep chawk nawh ah nin, "Simie maix ti cie patix?"<sup>15</sup> Sibun an deeh pawk ah nin ka nawh, "Nawb buan ka aux liak, awm hoik tawx maix haktiex baoh plak jee ka aux mai maix baox tawx haktiex dee lih rawm ka aux liak." Khaix an Kaliep tawx nawh cie haktiex dee lih rawm baoh plak laong mai baoh plak seh ka nawh heue.<sup>16</sup> Pui Kenix pa mawh paox Mose lih hu khaing veng dee koe khaox jhie yaong tau mai ceu Yudax mai laig ka daux tiag Yudax ka baoh plak jee hawt dex veng Arat mai kix ot sinax pui ankix heue.<sup>17</sup> Yudax hu tau mai puxke tix Simion mai puing ka pui Khananix pa ot ka veng Zephaz mai yuh kix lauwlak pakleeing mai kok ceukaux veng an mawh Hawmax heue.<sup>18</sup> Yudax baox rhim veng Gaza mai veng greem pa kuang nawh, veng Ashakelon tau mai veng greem pa kuang nawh, veng Ekaron tau mai veng greem pa kuang nawhheue.<sup>19</sup> Mawh kheu Simiang Siyiex ot tau mai Yudax mai kix hoik grheu pui pa ot ka piang gawng khankix, viang mawh nan kix ang pon grheu pui pa ot ka daux ngawd, kheu jao koe linglawx brung naing rhiem kix heue.<sup>20</sup> Kix tawx veng Hebron ka Kaliep awm pa tawm Mose, Kaliep tom grheu kawn simex Anagax loe kaux lih khaing veng an heue.<sup>21</sup> Viang mawh nan pui Benyamin khankix ang grheu pui Yebusix pa ot

Ekaron tau mai veng greem pa kuang nawhheue.<sup>19</sup> Mawh kheu Simiang Siyiex ot tau mai Yudax mai kix hoik grheu pui pa ot ka piang gawng khankix, viang mawh nan kix ang pon grheu pui pa ot ka daux ngawd, kheu jao koe linglawx brung naing rhiem kixheue.<sup>20</sup> Kix tawx veng Hebron ka Kaliep awm pa tawm Mose, Kaliep tom grheu kawn simex Anagax loe kaux lih khaing veng an heue.<sup>21</sup> Viang mawh nan pui Benyamin khankix ang grheu pui Yebusix pa ot ka veng Yerusalem, mawh kheu nan pui Yebusix hoik ottau mai pui Benyamin ka daux veng Yerusalem tom in singaix heue.

### ***Yosiep Pex Ka Betelax***

<sup>22</sup> Cub nyiexma Yosiep khankix, lih hu yuh naing ka veng Betelax mai Simiang Siyiex ot tau mai kix heue.<sup>23</sup> Mawh kheu nan, cub nyiexma Yosiep ploi pui hu jiang ka veng Betelax, ceukaux veng an glang ka mawh Luzax heue.<sup>24</sup> Yam yaox pui jiang ka pui pa kaoh khaing daux veng an, kix ah nin ka nawh, "Yuh buanson jhi yix yaox krax laig daux veng mai yix tak jhi krax cauxrhawm ti ka maix heue."<sup>25</sup> Mawh kheu nan nawh jhi kix yaox krax laig daux veng mai kix pah pui pa ot daux veng ka lawm vaid tix, viang mawh nan kix deeh ploi pui an, khawm nyiexma nawh khankix heue.<sup>26</sup> Pui an hu laig ka haktiex pui Hittix mai sum veng tix veng mai kok ceukaux veng an mawh Luzax tom in singaix heue.

### ***Grawng Ang Grum Pex Ka Haktiex***

<sup>27</sup> Manashe ang grheu pui veng Bietschan mai daux yaong khankix, pui veng Tanak mai daux yaong khankix, pui veng Dawrax mai daux yaong khankix, pui veng Ibalam mai daux yaong khankix, pui veng Megidaw mai daux yaong khankix, mawh kheu pui khankix but rhawm tix ot daux haktiex an heue.<sup>28</sup> Yam ting riang pui Isarela khanix, viang kix ang grheu pui Kananix khankix lih kawx, kieh kix tawx keen ka tix heue.<sup>29</sup> Awm an pui Epharim ang lai grheu pui Kananix pa ot daux veng Geza lih, mawh kheu nan pui Kananix otsinax kix daux veng Geza heue.

**1:27-28** Yaw 17:11-13. **1:29** Yaw 16:10. **2:2** Lih 34:12-13; Pi 7:2-5. **2:9** Yaw 19:49-50.

<sup>30</sup> Zebulun ang grheu pui veng Kitaton mai pa ot daux veng Nahalaw lax khankix lih hu, mawh kheu nan pui Kananix khankix ot sinax kix, kieh kix tawx keen ka tix heue.<sup>31</sup> Asha ang grheu pui pa ot daux veng Akhaw mai pa ot daux veng Sidon, veng Alap, veng Akhazip, veng Aphik, veng Rehwax khankix lih heue.<sup>32</sup> Mawh kheu nan pui Asha yaox ti ot sinax pui Kananix pa dawg ot daux haktiex an, kheu ang lai grheu kix lih heue.<sup>33</sup> Napthalix ang grheu pui pa ot daux veng Bietshemiet mai pa ot daux veng Bietshemiet lih, kix ot sinax pui Kananix pa dawg ot daux haktiex an, viang mawh nan kieh pui pa ot daux veng Bietshemiet mai veng Bietshemiet tawx keen ka tix heue.<sup>34</sup> Pui Amawrix khin ti grheu pui Dan hu ot ka piang gawng mai ang tawx akhuang ot kix daux ngawd.<sup>35</sup> Pui Amawrix but rhawm tix ot daux veng pa koe ka piang gawng Heriet daux veng Ayalon mai daux veng Shalabin, viang mawh nan yam hoik ting riang pui Yosiep khankix, pui khankix deeh yaox ti tawx keen ka kix heue.<sup>36</sup> Mee haktiex pui Amawrix jah ka caong gawng Akarabin, khawm veng Sala mai deeh hu ka baoh plak blaong heue.

### ***Pui Isarela koe Krax Cu Nghiet***

**2** Kawncau Siyiex kaoh khaing veng Gilagalax mai hu ka veng Bawkhim ah nin, "Aux hoik thong pex lih khaing meung Ejiptuxmai hoik viex pex hoek ka haktiex pa hoik tiextu Aux ka keeing pex, Aux ang yieh sijax mukheupa hoik yuh Tixmai pex heue.<sup>2</sup> Pex tak ang pon ti yuh paoxpie tau mai pui haktiex in, pex tak yuh khu dee tan kix lauxleeing, viang mawh nan, pex ang cu ti nghiet ka lox Aux mai hoik yuh ceu in kheu jao patix?<sup>3</sup> Mawh kheu nan, Aux deeh ah nin, Aux tak ang grheu kix lih khaing ka plak sivoe pex, viang mawh nan kix tak mawh kat lawm ka paw pex mai siyiex kix tak mawh kie taong ka son pex heue."<sup>4</sup> Yam hoik krai kawncau Siyiex lox in ka pui Isarela khanix kix yolox tix mai yijem heue.<sup>5</sup> Kix kok ceukaux dee an mawh Bawkhim mai kix yuh krax tan pa appong ka Simiang Siyiex tan heue.<sup>6</sup> Khaix hoik ploi Yawsux ka pui khankix, pui

Isarelax khankix lih hu ka haktiex sinngao pa hoik pon kix ti cie ku cub heue.

#### ***Grawng Yum Yawsux*** (*Yaw 24:29-31*)

<sup>7</sup>Mawh kheu nan, pui khankix krub ka Simiang Siyiex glang yam im ju Yawsux mai kuad song khaix Yawsux khankix pa hoik yaox ka kaing jhaw pa ting pa yuh Simiang Siyiex khankix kawx krub ka Simiang Siyiex heue.<sup>8</sup> Yawsux kawn simex Nun pa mawh siliex Simiang Siyiex hoik yum yam koe ju tixyieh kao num heue.<sup>9</sup> Kix sipaung nawh ka daux mee haktiex sinngao cie nawh ka veng Timanatheriet pa koe ka piang gawng Epharim ka plak laong gawng Gasha heue.<sup>10</sup> Can pui pa im ju daux bauxju Yawsux kawx hoik kraix khrawm paox tix ka dee ot doehru keeing kix khankix, can pui pa ang tawng ka Simiang Siyiex angah, pui pa ang tawng ka can kaing pa hoik yuh Nawh Cao son pui Isarelax khankix angah lih ti koe khaix kix heue.

#### ***Grawng Ang Pui Isarelax Kaux Sijax***

<sup>11</sup> Khaix an, pui Isarelax khankix yuh pa caoxcaig ka plak sivoe ngai Simiang Siyiex mai yuh kaing jhaw siyiex Balax, <sup>12</sup> kix tikvud ka Simiang Siyiex keeing kix pa hoik viex kix lih khaing meung Ejiptux mai hawt khaix siyiex tang kaux ceu pui pa koe hawt vungviang kix mai krub ka siyiex an mai kieh krax songrhawm Simiang Siyiex lih heue.<sup>13</sup> Kix tikvud Simiang Siyiex mai yuh kaing siyiex Balax mai siyiex Ashatariet heue.<sup>14</sup> Mawh kheu nan, krax songrhawm Simiang Siyiex hoik lih ka piang pui Isarelax khankix mai Nawh Cao ap kix ka daux tawm taix pui tudrhim mai coh kix ka pui koeng kix pa ot hawt vungviang kix tom ang kix lai pon cung plak sivoe pui koeng kix khankix heue.<sup>15</sup> Viang kix hu dee mawx kawx, taix Simiang Siyiex hoik tawx krax ciyang pa lauxleeing ka kix awm pa krai mai pa tiextu Simiang Siyiex ka kix mai kix kied koe krax khirhawm heue.<sup>16</sup> Khaix an Simiang Siyiex kieh cao prawngsee lih son kix pa sang hu taoh kix lih khaing daux tawm taix pui tudrhim khankix heue.<sup>17</sup> Viang mawh nan kix ang cu nghiet ka cao prawngsee, kix hu lud mai siyiex tang kaux mai krub kah, kix

niied ti veeh tix khaing krax pa lawng keeing kix khaing krax pa cu nghiet ka gumlox pingnyap Simiang Siyiex mai kix ang hawt ti yuh awm an heue.<sup>18</sup> Yam kieh Simiang Siyiex cao prawngsee lih ka son kix, Simiang Siyiex ottau mai cao prawngsee mai deeh taoh kix khaing pui koeng kix daux bauxju cao prawngsee, mawh kheu nan Simiang Siyiex deeh koe krax cauxrhawm ka lox ngia kix, kheu jao yuh pui koeng pa kharhawm mai pa tuktiaktukte ka kix heue.<sup>19</sup> Khaix hoik yum cao prawngsee, kix baox niied ti yuh pa langteung mai baox nie yuh pa caoxcaig khaing keeing kix ka pa hawt tix grawng siyiex tang kaux mai pa yuh tix kaing jhaw siyiex an mai krub kah, kix ang pon yoi ti khaing jhawm pa yuh tix mai khaing pa kienrhawm tix heue.<sup>20</sup> Krax songrhawm Simiang Siyiex hoik hax awm ngu ka pui Isarelax khankix mai Nawh Cao ah nin ka kix, mawh kheu pui in ang nghiet ka lox Aux mai hoikyieh sijax mukheu pa hoiktawm Auxka keeing kix,<sup>21</sup> "Aux tak ang lai grheu pui khankix pa hoik prah Yawsux khaix hoik yum nawh tix cub kawx,<sup>22</sup> mawh kheu kix mawh sonsang cheuk Aux ti yaox ka pui Isarelax khankix ka grawng sang pon priex kix ti hawt krax pa jhi Simiang Siyiex mai hu daux krax Simiang Siyiex awm pa hoik hu keeing kix lie, ang hu lie?"<sup>23</sup> Mawh kheu nan, Simiang Siyiex hoik prah ceu pui ankix mai ang lai grheu kix lih dommawx doman mai Nawh Cao ang lai ap kix ka daux tawm taix Yawsux heue.

#### ***Pui Pa Kawn Deuk Daux Haktiex***

**3** Inkix mawh pui pa prah Simiang Siyiex sonsang cheuk ti yaox ka pui Isarelax khankix pa ang nyang tawng ka grawng puing naing ka daux haktiex Khanan tix bawg kawx heue.<sup>2</sup> In hoik mawh sonsang gau doehru pui Isarelax khankix ti tawng grawng naing, kheu pui an khankix pa ang nyang sax tawng grawng naing glang ka singaix an heue.<sup>3</sup> Pui pa hoik prah Simiang Siyiex khankix mawh simiang haktiex Philitix phuan kaux, pui Khananix, pui Sidom mai pui Hiwix khankix pa ot ka piang gawng Lebanon, jah khainggawng Balaxhamon tom hoek ka krax

dee laig kix ka veng Hamat heue.<sup>4</sup> Mai kix mawh pa prah Simiang Siyiex ti sang cheuk ti yaox ka pui Isarelax khankix ka grawng sang tawng Nawh Cao pon cu nghiet kix ka lox tawm pingnyap Simiang Siyiex pa hoik tawm Nawh Cao ka keeing kix ka daux tawm taix Mose heue.<sup>5</sup> Mawh kheu nan, pui Isarelax khankix hoik ot ka daux sinax pui Khananix, pui Hittix, pui Amawrix, pui Pherazix, pui Hiwix mai pui Yebusix khankix heue.<sup>6</sup> Kix tee ti moeng kawn sibun kix khankix mai deeh tawx kawn sibun tix ka kawn simex kix mai hoik yuh kaing jhaw siyiex kix heue.

### *Grawng Awtanelax*

<sup>7</sup> Pui Isarelax khankix hoik yuh pa caoxcaig ka plak sivoe ngai Simiang Siyiex, kix hoik piawm Simiang Siyiex tix mai yuh kaing jhaw siyiex Balax mai krub ka Asharat heue. Asharat mawh ceukaux siyiex sibun pa krub pui baoh an heue.<sup>8</sup> Krax pa kied songrhawm Simiang Siyiex hoik lih ka piang pui Isarelax khankix heue. Mai Nawh Cao coh kix ka Khushanrishatem pa mawh simiang haktiex Mesopotemia mai pui Isarelax khankix yaox ti yuh kaing jhaw simiang Khushanrishatem daix num heue.<sup>9</sup> Yam riagyo pui Isarelax ka Simiang Siyiex, Simiang Siyiex tawx cao pa taoh son kix tix kaux sonsang taoh ka kix, nawh mawh Awtanelax kawn simex Kenat pux Kaliep heue.<sup>10</sup> Khuan Simiang Siyiex lih ka piang nawh mai prawngsee ka pui Isarelax khankix, nawh thong kix daux naing, Simiang Siyiex ap Khushanrishatem pa mawh simiang haktiex Mesopotemia ka daux tawm taix nawh mai nawh pex ka simiang an heue.<sup>11</sup> Mawh kheu nan, haktiex an hoik yiienyawg daux tixpon num, khaix an Awtanelax kawn simex Kenat yum tan heue.

### *Grawng Ehudax*

<sup>12</sup> Pui Isarelax khankix dee yuh pa caoxcaig ka plaksivoengai Simiang Siyiex, mawh kheu nan Simiang Siyiex kieh Egalon pa mawh simiang haktiex Mawbax ting riang rao khaing pui Isarelax khankix heue.<sup>13</sup> Nawh khrawm pui Amon mai pui Amaliet hoek puing ka pui Isarelax mai teei ti cie veng khaox jhie yaong heue.<sup>14</sup> Mawh kheu nan pui Isarelax yaox ti yuh kaing Egalon pa mawh simiang

haktiex Mawbax kao daix num heue.<sup>15</sup> Yam hoik riagyo pui Isarelax ka Simiang Siyiex, Simiang Siyiex deeh tawx cao taoh son kix tix kaux pa kaux Ehudax kawn simex Gerax pui Benyamin, nawh mawh pui pa koe riang plak khawn goix, yam an pui Isarelax khankix ap totaix ka taix nawh sonsang tawx ka simiang Mawbax heue.<sup>16</sup> Ehudax yuh gawn pa lawm khawm ra plak pa lang tix sawk mai giieb ti deuh an ka greem kraung ceep ba viang plak khawn dawm tix heue.<sup>17</sup> Nawh viex totaix an hoek ka Egalon simiang haktiex Mawbax, simiang Egalon mawh pui pa kied kluing heue.<sup>18</sup> Khaix hoik tawx nawh totaix an, nawh ploi pui pa klawm totaix khankix deeh ing heue.<sup>19</sup> Viang mawh nan, nawh deeh veehtiing khaing rong simaox pa koe hawt veng Gilagalax ah nin, "simiang eue, aux koe lox grawng pa mox ti krai ka maix tix ceu," simiang deeh ah nin, "Otyiienyawg," can pui pa ot vungviang nawh khankix lih hu khaing nawh heue.<sup>20</sup> Simiang Egalon ngawm daux lawg plak piang nyiex lauxlee nawh tix yam rung praix nongnong, yam an Ehudax hoek ka nawh mai ah nin, "Aux koelok khaing Simiang Siyiex ka son maix," khaix an simiang yaog ti kaoh ngawm heue.<sup>21</sup> Ehudax nih taix khawn goix tix mai teei gawn khaing ba viang khawn dawm tix mai blung vaig nawh heue.<sup>22</sup> Sidux gawn mai gawn hoik glip daux vaig nawh mai bee hoik kheem ka piang gawn, mawh kheu nan nawh ang lai pon toek gawn lih khaing vaig nawh mai roing nawh lih ka plak praix heue.<sup>23</sup> Khaix an Ehudax lih plak praix mai nyeep sivie lawg plak piang khaix tix mai sau ti deuh saw heue.<sup>24</sup> Khaix hoik lih hu nawh ka plak praix, kawncau khankix hoek ti jhak mai kix yaox hoik sau saw sivie lawg plak piang, mawh kheu nan kix ah nin, "Nawh kawn it mai lauxlee ti ka daux lawg pa sikiied nawh heue."<sup>25</sup> Mawh kheu nan, kix pau nawh tom rheeng mai ang yaox lih nawh awm bawgyam pa lih nawh, mawh kheu nan kix teei saw mai paoh sivie mai kix yaox ka hoik goh simiang ti yum ka piang tiex heue.<sup>26</sup> Ehudax to ti klawd glang kawn pau kix mai nawh tiang ti hu ka plak toi rong simaox mai hoek ka yaong Sirax heue.<sup>27</sup> Yam hoik bleeh nawh mai nawh phlu

teettawng ka piang gawng Epharim mai pui Isarelax khankix lih hu tau mai nawh khaing piang gawng mai nawh thong kix hu heue.<sup>28</sup> Nawh ah nin ka kix, "Hawt khaix aux Simiang Siyiex hoik ap pui koeng pex ka daux tawm taix pex," mawh kheu nan kix lih hawt khaix nawh mairhim ti teetab khankix pa koe hawt diang rawm Yawdan pa hu kix ka haktiex Mawbax mai ang lai ploi pui tiang toi plak an tix kaux kawx heue.<sup>29</sup> Yam an kix pah pui haktiex Mawbax tix mheen kaux ka pui pa ting riang rao pa vaorhawm khankix, pui tix kaux kawx ang lai pon glawd heue.<sup>30</sup> Mawh kheu nan haktiex Mawbax hoik ot greem pa kuang pui Isarelax khankix mai haktiex hoik yiienyawg daux tixdaix num heue.

### *Grawng Shamga*

<sup>31</sup>Khaix Ehudax, Shamga kawn simex Anat, baox lih koe tix kaux mai pah pui Philitix yum liah yieh kaux ka gawng khaox lawm pa grheu kix mawie kah mai nawh mawh pui pa deeh taoh ka pui Isarelax khankix heue.

### *Grawng Debawrax*

**4** Khaix hoik yum Ehudax pui Isarelax deeh yuh pa caoxcaig ka plak sivoe ngai Simiang Siyiex heue.<sup>2</sup> Mawh kheu nan, Simiang Siyiex coh kix ka daux tawm taix Yabin simiang haktiex Khanan pa kuang ka veng Hazaw, cao kaing ting krunaing nawh mawh Siserax pa ot daux veng Haroshiet daux haktiex Gaw-in heue.<sup>3</sup> Simiang Yabin koe linglawx naing brung pa yuh ka rhiem dim yieh lhang, nawh khin mai yeen ka pui Isarelax khankix tixnga num, mawh kheu nan pui Isarelax khankix riagyo ka Simiang Siyiex heue.<sup>4</sup> Yam an Debawrax moeng Lapidot mawh cao jhai sibun tix kaux, nawh prawngsee ka pui Isarelax khankix heue.<sup>5</sup> Nawh ngawm greem khaox jhie yaong pa koe sinax veng Rama mai veng Betelax ka piang gawng Epharim mai pui Isarelax khankix hoek ka nawh sonsang kieh nawh prawngca heue.<sup>6</sup> Debawrax ploi pui hu kok Barak kawn simex Abinawm khaing veng Kedesha pa koe ka daux haktiex Napthalix ah nin ka nawh, "Simiang Siyiex pui Isarelax tawx lox ah nin ka maix, lih hu ka pui

Napthalix mai pui Zebulun tix mheen mai hu ka gawng Tabaw, <sup>7</sup>aux tak viex Siserax cao kaing ting krunaing simiang Yabin hoek ka plak sivoe maix tau mai linglawx brung naing nawh mai pui nawh hawt rawm klawng Kishon tan mai aux tak ap nawh ka daux tawm taix maix heue."<sup>8</sup> Mai Barak deeh ah nin ka nawh, "Phan maix hu tau mai aux, aux tak hu, phan maix ang hu tau mai aux, aux ang hu heue."<sup>9</sup> Debawrax deeh ah nin, "Aux tak hu tau mai maix tete, viang mawh nan min plakngai maix tak ang lai koe ka daux krax hu maix, mawh kheu Simiang Siyiex tak coh Siserax ka daux tawm taix sibun tix kaux," khaix an Debawrax yaog ti kaoh mai lih hu tau mai Barak ka veng Kedesha heue.<sup>10</sup> Mai Barak kok pui Zebulun mai pui Napthalix hoek ka veng Kedesha, nawh hu tau mai pui naing tix mheen kaux, Debawrax kawx hu tau mai nawh heue.<sup>11</sup> Hebax pui Kenix khaing pui Hawbax pa mawh paox Mose, hoik goih tix khaing pui Kenix mai sum nyiexgoxdex dee kuah khaox tiah khankix hawt caong gawng Zanem pa koe praok veng Kedesha heue.<sup>12</sup> Mai kix krai grawng hoik lih hu Barak kawn simex Abinawm ka gawng Tabaw ka Siserax heue.<sup>13</sup> Mawh kheu nan Siserax khrawm linglawx naing brung tix pa yuh ka rhiem dim yieh lhang mai can pui nawh khankix, jah ka veng Haroshiet tom hoek ka haktiex Gaw-in tom sidah ka rawm klawng Kishon heue.<sup>14</sup> Debawrax deeh ah nin ka Barak, "Kaoh heue, in mawh singaix ap Simiang Siyiex ka Siserax daux tawm taix maix, Simiang Siyiex hoik hu ka plak sivoe maix ang mawh lie?" Barak lih hu khaing gawng Tabaw tau mai pui tix mheen kaux pa hawt khaix nawh heue.<sup>15</sup> Simiang Siyiex kieh Siserax mai linglawx naing brung nawh prungprang ka lawm vaid ka sivoe Barak, Siserax lih khaing linglawx naing brung tix mai to ti glawd ka caong tix heue.<sup>16</sup> Barak hawt pheet linglawx naing brung an khankix mai krunaing pui ankix tom hoek ka veng Haroshiet, cub krunaing Siserax hoik yum kalawm vaid khawmuikang lai deuk tix kaux kawx heue.<sup>17</sup> Siserax to ti glawd ka caong tix mai nawh hoek ka nyiex

gox Yelax moeng Hebax pui Kenix kheu jao yuh Yabin pa mawh simiang pui Hazaw mai doeh nyiexma Hebax pui Kenix khankix krax yiienyawg tau mai paox tix heue.<sup>18</sup> Yelax lih rieb Siserax ah nin ka nawh, "Simiang eue, laig daux nyiex ha, paw koe krax lhatgraung," mai nawh laig ka daux nyiex gox, Yelax lhop nawh ka prux tix pheen heue.<sup>19</sup> Khaix an nawh ah nin ka sibun an, "Yuh buanson tawx aux nyaux rawm ceeix, aux kied simie ti nyaux rawm," nawh paoh kawk rawm teeih mai tawx nawh nyaux heue.<sup>20</sup> Mai nawh deeh ah nin ka nawh, "Cung hawt diang siviey nyiex gox liak, phan pui hoek chawk ka maix ah nin, ot simex tin lie?" maix tak ah, "Ang ot awx."<sup>21</sup> Khaix an Yelax moeng Hebax, teei jim nyiex gox mai daix ka daux taix tix, koi hu ka nawh mai tawk jim an ka daux dawng yhaok nawh tom phlat ka tiex, mawh kheu nawh hoik kied lhiag it jao taug mao tix, mawh kheu nan nawh yum tan heue.<sup>22</sup> Khaix an Barak hawt sawg Siserax, Yelax lih rieb nawh plak praix ah nin, "Hoek aux jhi maix yaox pui pa sawg maix heue." Yam hoik laig nawh ka daux nyiex gox, nawh yaox ka yum Siserax mai jim pa hoik tawk daux dawng yhaok nawh heue.<sup>23</sup> Mawh kheu nan, ka daux singaix an, Siyiex yeen ti tik Yabin pa mawh simiang haktiex Khanan, ka plak sivoe ngai pui Isarelax khankix heue.<sup>24</sup> Plawng taix pui Isarelax khankix, nielheu ting riang khaing Yabin simiang haktiex Khanan, tom sidah hoik yuh kix Yabin simiang haktiex Khanan lauxleeing heue.

### *Lairhax Debawrax*

**5** Khaix an Debawrax mai Barak kawn simex Abinawm, rhax lairhax ka daux singaix an ah nin,<sup>2</sup> "Yaogyaw buanson Siyiex, mawh kheu cao kaing khankix thong ka pui Isarelax mai pui khankix koe rhawm tix ap tokaux tix heue.<sup>3</sup> Simiang khankix eue, nghiet heue. Kawn simiang khankix eue, daong yhaok pex heue. Aux tak rhax lox in ka Simiang Siyiex, aux tak rhax lairhax yaogyaw in ka Simiang Siyiex ceu pui Isarelax heue.<sup>4</sup> Simiang Siyiex eue, yam hoik lih hu Maix khaing gawng Sirax, yam lih hu Maix khaing daux tiag

5:5 Lih 19:18.

Edom, haktiex khankix hoik yungyang mai rawm lhiex hoik lih khaing raoma, paiawm khankix deeh ploi rawm lhiex,<sup>5</sup> gawng khankix hoik yungyang ka plak sivoe Simiang Siyiex mai gawng Sina kawx awm an ka plak sivoe Simiang Siyiex ceu pui Isarelax heue.<sup>6</sup> Daux bauxju singaix Shamga pa mawh kawn simex Anat mai ka daux bauxju singaix Yayelax, daux krax tinghoik yiienhu mai pui pa hu krax ting khankix via ti hu krax iak heue.<sup>7</sup> Krax ot nyiex yaong hoik mawh pa kaog pa yiien ka daux ceu pui Isarelax phao, tom hoek bawgyam aux Debawrax yaog ti kaoh ti mawh miex tix kaux, ka daux ceu pui Isarelax khankix heue.<sup>8</sup> Kix hoik laug ti teei siyiex pa khraox khankix, khaix an, pui koeng yuh naing ka kix daux diang siviey veng khankix, kraung naing pa tiebtie tix plah mai pliah tix krong kawx ang koe ka daux sinax ceu pui Isarelax pa koe pon mheen kaux heue.<sup>9</sup> Rhawm aux koe tau mai cao pa kuang ceu pui Isarelax khankix, pa koe rhawm ti appong tokaux tix tau mai pui khankix heue. Kieh yaogyaw buanson Simiang Siyiex heue.<sup>10</sup> Krai heue, pex can pa brug la paing khankix mai cao prawngsee pa ngawm tau mai kraung ceep tix khankix mai khawm pui pa hu ka daux krax khankix,<sup>11</sup> pui pa mhong ka lox sinum pa ot vungviang rawm daux khankix, kix tak deeh simin ti yaox, grawng pa rahsee, pa yuh Simiang Siyiex, krax pa rahsee yuh Nawh Cao son nyiex yaong ka daux ceu pui Isarelax, khaix an pui Simiang Siyiextak lih hu ka daux diang siviey veng khankix heue.<sup>12</sup> Kaoh heue, kaoh heue, Debawrax, kaoh heue, kaoh heue mai rhax lairhax, Barak eue, yaog ti kaoh liak! Kawn simex Abinawm eue, thong pui pa laung khankix hu dee singai.<sup>13</sup> Khaix an pui pa kharhawm khankix hoik lih ti hoek, pui khankix hoik hoek ka pui pa ting lhaong, Simiang Siyiex hoik lih hoek ka aux, ka son pui pa ting riang rao khankix heue.<sup>14</sup> Khaing kix pa kaoh daux Epharim pa hoik koe num riah ka daux Amaliet, khaix maix tak mawh Benyamin tau mai pui maix khankix khaing Makhirax, cao pa kuang hoik lih khaing Zebulun, pui an kix hoik kham ti mawh cao kaing kix heue.<sup>15</sup> Mai simiang cub Isakha

khankix hoek tau mai Debawrax, pui Isakha kawx hoek tau mai Barak mai kix hawt nawh tom hoek ka praok rawm klawng dee ot ceu pui Rubin mawh pa kied koe krax pa congrhwam heue.<sup>16</sup> Kheu maix lai ngawm daux kawg yung sonsang nghiet tix lox riag cub yung khankix yuh ka mawx lie? Ka praok rawm klawng ceu pui Rubin, mawh pa koe rhawm ting rhawm lhaong ka daux rhawm rhi tix heue.<sup>17</sup> Ceu pui Gilat khankix ot ka plak toi rawm klawng Yawdan mai ceu pui Dan khankix dah ti ot ka piang reu ting kheu jao patix lie? Ceu pui Asha khankix pa koe praok rawm sigrit sigra mai kix ot diang reu khankix heue.<sup>18</sup> Zebulun mawh pui tix cub pa koe rhawm kua daux krax pa yuh, Napthalix mawh pa ot dee lhaong kawx mawh pa koe rhawm awm an heue.<sup>19</sup> Simiang khankix hoek ti puing naing, khaix an simiang meung Khanan khankix hoek ti puing naing ka veng Tanak pa koe hawt rawm klawng Megidaw, kix ang pon rhim ti teei mau khankix heue.<sup>20</sup> Simuang raoma teem kix puing naing yam vungviang simuing khankix ti hu mai kix puing Siserax heue.<sup>21</sup> Krax lih hu rawm klawng Gishon hoik pih ti tik kix hu dee singai, krax lih hu rawm an tom didix, mawh rawm pa lih khaing rawm klawng Kishonheue. Khuanauxeue, lih hu ka daux krax pa koe riang rao tix heue.<sup>22</sup> Yam an lox luah kloh to brung khankix kied sinum ah prawpprawp heue.<sup>23</sup> Kawncau Simiang Siyandex hoik ah nin, kieh krax pa jhaxlawg koe ka piang Merawza, kieh krax pa jhaxlawg koe piang pui pa ot tan khankix tom sigrien sigre, mawh kheu ang kix hoek ti teem ka Simiang Siyandex sonsang teem Simiang Siyandex puing ka pui pa ting riang rao khankix heue.<sup>24</sup> Yelax mawh pa kied pon buanson khaing paox sibun tix khankix, pa mawh moeng Hebax ceu pui Kenix, kieh nawh pon krax pa nawb buanson khaing sinax sibun pa ot ka daux nyiex gox khankix heue.<sup>25</sup> Siserax mhaing ti nyaux rawm mai nawh hoik tawx klon bee rawm teeih ka daux kawk pa shiao simiang heue.<sup>26</sup> Nawh hoik teei jim rhiem mai teei daix pui pa yuh kaing khankix ka taix khawn dawm tix mai nawh tawk kaing Siserax tom phlat ka dawng

yhaok nawh plak an heue.<sup>27</sup> Mai nawh goh mai nyat hawt caong nawh, nawh goh tix hawt caong sibun mai nawh hoik goh tan mai nawh goh tix yum tan heue.<sup>28</sup> Miex Siserax hoik jhaknawh khaing daux doh sivnex vawng mai riagyo daux plak man tieb, yuh ka mawx linglawx brung nawh phex rheeng yuh nin lie? Kheu linglawx brung nawh phex mawh pa nhim hoek yuh nin lie?<sup>29</sup> Sibun pa koe pingnya cuyi khankix, hoik deeh pawk lox yuh nin, mawh heue, nawh deeh pawk lox tokaux tix,<sup>30</sup> mawh ang kix nyang yaox ti goih ti cie kraung pa tudrhim pleue, son pui kukaux, son kawn sibun tix kaux, phan ang mawh nan, son kawn sibun ra kaux, son Siserax, kraung ceep pa hoik siang tix daux rawm rawn tau mai pa tudrhim tix khankix, kraung ceep pa hoik tudrhim tix mai kraung pa siang tix daux rawm rawn khawm ra plak, mawh pafua kangawg pui pa tudrhim khankix ang mawh lie?<sup>31</sup> Mawh kheu nan, Simiang Siyandex eue, kieh pui koeng maix khankix lauxleeing heue. Viang mawh nan, can pui ankix pa moh ka Nawh Cao, kieh mawh awm singaix pa riieng, yam lih hoek nawh ka daux krax pa grumnaog riang rao tix heue. Mawh kheu nan, haktiex hoikyiényawg tix tixpon num heue.

### *Pui Midian Yeenia Ka Pui Isarelax*

**6** Pui Isarelax khankix yuh pa caoxtaiga ka plak sivoe ngai Simiang Siyandex, mawh kheu nan Simiang Siyandex ap kix ka daux tawm taix Midian aliah num heue.<sup>2</sup> Pui Midian pex kapui Isarelax mai mawh kheu jao pui Midian, pui Isarelax tom kaung ti ot daux tiek daux rang ka dee kauxcong ka piang gawng khankix son tokaux tix heue.<sup>3</sup> Yam rhuat pui Isarelax simie nghox, pui Midian mai pui Amaliet khawm pui pa ot ka plak toh khankix hoek puing ka kix heue.<sup>4</sup> Kix hoek yuh tab mai yuh ceu plix pa hoik sum kix lauxleeing tom hoek ka veng Gaza mai ang lai prah pa ih pa un khawm pex, yung, mawie mai la khankix son pui Isarelax.<sup>5</sup> Kix hoek tau mai tobrie eei tix mai khawm nyiex gox tix, awm sido pa kied haohhun tau mai kala-uk pa ang lai uik simin mai hoek laig sonsang yuh haktiex lauxleeing heue.<sup>6</sup> Mawh kheu nan pui Isarelax hoik kied hot sibhawm kheu jao pui

Midian khankix mai pui Isarelax riagyo ka Simiang Siyiex heue.<sup>7</sup> Yam riagyo pui Isarelax khankix ka Simiang Siyiex kheu jao pui Midian khankix,<sup>8</sup> Simiang Siyiex deeh ploi cao jhai son pui Isarelax ah nin, in mawh gumlox pa krai Simiang Siyiex ka pui Isarelax, "Aux hoik viex pex lih khaing dee yuh pex siliex,<sup>9</sup> Aux hoik taoh pex lih khaing daux taix pui Ejiptux mai khaing daux taix pui pa khin pex khawmuik mai Aux hoik grheu kix ka plak sivoe pex mai hoik tawx haktiex kix ka pex heue.<sup>10</sup> Aux mawh Simiang Siyiex pex, paw lhatgraung ka siyiex pui Amawrix ka daux haktiex dee ot pex, viang mawh nan, pex ang koe krax cu nghiet ka gumlox Aux heue."

### *Grawng Gideon*

<sup>11</sup> Kawncau Simiang Siyiex hoek mai ngawm ka greem khaox tiah pa koe ka daux yaong Awpharax, pa mawh cie Yawsha pui Abezarix, Gideon kawn simex Yawsha pah nghox ca cie tix hawt dee biiet kix rawm plix siiet, sonsang mox nawh ti khaing pui Midian khankix heue.<sup>12</sup> Kawncau Simiang Siyiex hoek bleeh ka nawh ah nin, "Simiang Siyiex ot tau mai maix pa mawh pui pa ting riang rao mai pa koe rhawm kua heue."<sup>13</sup> Gideon deeh ah nin ka Nawh Cao, "Simiang aux eue, phan Maix ot tau mai yix ceu inkix hoik lih koe ka piang yix jao pa tilie?" Mai pa daoxdeng pa yuh Nawh Cao, pa hoik krai keeing yix ka yix ah nin, "Simiang Siyiex hoik viex yix lih khaing daux meung Ejiptux, ceu an koe dee mawx? Yam in Simiang Siyiex hoik tikvud ka yix mai hoik ap yix ka daux taix pui Midian khankix heue."<sup>14</sup> Simiang Siyiex deeh veeh ti jhak nawh ah nin, "Hu ka daux riang rao pa hoik pon maix, maix tak deeh taoh pui Isarelax khaing daux taix pui Midian, ang mawh Aux pa hoik ploi maix lie?"<sup>15</sup> Mai Gideon deeh ah nin ka Nawh Cao, "Simiang Siyiex eue, aux tak pon taoh pui Isarelax yuh ka mawx? Doeh nyiex aux mawh pa kied iak ka daux cub pui Manashe mai aux mawh pa kied iak khaing daux nyiexma keeing aux heue."<sup>16</sup> Mai Simiang Siyiex deeh ah nin ka nawh, "Aux tak ot tau mai maix tete mai maix tak pex pui Midian awm yuh maix ka

pui tix kaux laux heue."<sup>17</sup> Khaix an nawh dee ah nin ka Nawh Cao, "Yam in phan aux mawh pa hoik pon buanson ka plak sivoe ngai Maix Cao, jhi aux yaox mhairug tix ceu sonsang tawng aux Maix Cao mawh pasikah tau mai tix heue."<sup>18</sup> Aux rawg maix ang nyang hu khaing tin tom hoek bawgyam deeh viex aux krax tan tix hoek mai deuh ka plak sivoe Maix Cao mai Nawh Cao deeh ah nin, "Aux tak pau tom yam deeh hoek maix heue."<sup>19</sup> Khaix an, Gideon deeh ing ka nyiexmai khre kawn pex awn tix mu, khawm blah phawng nghox ca pa ang viex susaix tix epha mai sau nex ka daux khrawng tix mu mai rawm nex tung pex ka daux aw tix mu mai viex ti tan ka kawncau Siyiex hawt greem khaox tiah.<sup>20</sup> Kawncau Siyiex ah nin ka nawh, "Teei nex in mai blah pa ang sau susaix hu deuh ka piang rang mai lhauk rawm nex tung ka piang" mai nawh yuh awm an heue.<sup>21</sup> Khaix an kawncau Simiang Siyiex nyeu khaox grix pa giex tix mai teeh ka nex mai blah pa ang sau susaix ankix, ngu lih khaing rang mai gleeing ka nex khawm blah pa ang sau susaix mai kawncau Simiang Siyiex deeh grai khaing plak sivoe ngai nawh heue.<sup>22</sup> Gideon hoik tawng ka mawh Nawh kawncau Simiang Siyiex, mawh kheu nan Gideon ah nin, "O Simiang Siyiex eue, aux hoik yaox kawncau Maix pakngai taw pakngai heue."<sup>23</sup> Simiang Siyiex deeh ah nin ka nawh, "Kieh pa nhim koe tau mai maix, paw lhatgraung, maix tak ang yum heue."<sup>24</sup> Mawh kheu nan, Gideon sum khu dee tan son Simiang Siyiex tix mu mai kok ceukauzan mawh Yehowa Shalom, an mawh pa koe ka daux yaong Awpharax pui Abeza tom in singaix heue.<sup>25</sup> Ka daux sawm an Simiang Siyiex ah nin ka nawh, "Teei kawn mawie awn cie keeing maix mai mawie mhaing koe ju aliah num pa mawh ra mu tix mu mai yieh ti tik khu dee tan Balax pa hoik sum keeing maix mai kid ti tik khaox Asherax khankix pa koe hawt praok nawh<sup>26</sup> mai deeh sum khu dee tan tix mu son Simiang Siyiex maix ka piang rang in awm pa krai Aux mai teei kawn mawie mhaing ra mu tix mu an gleeing krax tan pa gleeing ka khaox pa hoik kid

maix heue.<sup>27</sup> Mawh kheu nan Gideon kok siliex tix khankix kao kaux mai yuh awm pa hoik krai Simiang Siyandex ka nawh, viang mawh nan jao lhat nawh ka paox nyiex keeing tix mai ka pui pa ot ka daux veng khankix, nawh ang pon yuh plak ponngaix mai nawh yuh an plak ponsawm heue.

### **Khu Dee Tan Balax**

<sup>28</sup> Yam kaoh pui veng plak ponngawb caocao, kix yaox khu dee tan Balax hoik prungprang lauxleeing mai khaox rong Asherax pa koe hawt praok an, mawh khaix kid titik mai hoik tan kawn mawie ra mu tix mu ka piang khu dee tan pa hoik baox sum kix tan heue.<sup>29</sup> Mawh kheu nan kix chawk ah nin ka paox tix, tix kaux lai tix kaux, "Mawh pui mawx pa yuh ceu in?" Khaix hoik cied kix ti yaox ka grawng an, kix ah nin, "Mawh Gideon kawn simex Yawsha pa yuh ceu in heue."<sup>30</sup> Khaix an can pui veng ah nin ka Yawsha, "Vieux kawn simex maix lih sonsang yum nawh, mawh kheu nawh hoik prungprang ti tit khou dee tan Balax mai hoik kid titik khaox Asherax pa koe hawt praok an heue."<sup>31</sup> Mai Yawsha ah nin ka pui pa cung ti yuh see ka nawh khankix, "Mawh sang ot pex plak Balax ah nin ka aux lie? Mawh sang deeh taoh pex ka nawh lie?" Kieh pui pa krai lox son nawh, mawh pa yum ka sang bah rieng praix, phan nawh mawh Siyandex tete, khu dee tan pa hoik prungprang an, kieh nawh krai lox ka son cao tix heue.<sup>32</sup> Mawh kheu nan jah kadaux in singaix, nawh kok ceukaux kawn nawh mawh Yerubalax kheu ah nawh nin, "Kieh Balax deeh krai lox ka son cao tix ka pui pa hoik prungprang khu dee tan nawh lauxleeing heue."<sup>33</sup> Khaix an pui Midian mai pui Amaliet, ceu pui plak toh khrawm paox ti khawmuik, kix tiang ka plak an mai bang ti ot ka daux ngawd Yezerelax heue.<sup>34</sup> Khuan Simiang Siyandex lih ka piang Gideon, khaix an nawh phlu teettawng mai pui Abeza khrawm paox tix hawt khaix nawh heue.<sup>35</sup> Mai nawh ploi cao cau khankix hu ka haktiex Manashe kudah, pui Manashe kawx khrawm paox ti hawt khaix nawh, nawh baox ploi cao cau khankix

huka haktiex Asha, haktiex Zebulun mai ka haktiex Napthalix mai kix kawx khrawm paox ti hawt khaix nawh khawmuik heue.

### **Grawng Mhairug Hauk Yung**

<sup>36</sup> Mai Gideon deeh ah nin ka Siyandex, "Phan Maix Cao sang deeh taoh pui Isarelex ka taix aux awm pa hoik krai Maix Cao,<sup>37</sup> aux tak deuh hauk yung ka daux glah dee pah nghox, phan rawm ciex koe ka piang hauk yung an mai haktiex mawh pa kroh, khaix an aux tak tawng ka sang deeh taoh Maix Cao ka pui Isarelex khankix kheu taix aux, awm pa hoik krai Maix Cao heue."<sup>38</sup> Yam kaoh nawh ponngawb caocao singaix pasax, nawh siyiied hauk yung an mai rawm ciex lih khaing hauk yung tom naog ka daux pan tix mu heue.<sup>39</sup> Khaix an Gideon deeh ah nin ka Siyandex, "Paw nyang songrhawm ka aux liak, kieh aux baox krai lox tix bawg ha, aux rawg tix baox cheuk ti deuh hauk yung tix bawg, kieh rawm ciex kroh ka piang hauk yung mai kieh rawm ciex lan piang tiex khawmuik heue."<sup>40</sup> Mai Siyandex yuh ka daux sawm an, mawh hauk yung pa kroh ngie, viang mawh nan tiex khawmuik hoik lan ka rawm ciex heue.

### **Pui Gideon Pa Vao Loe Yieh Kaux**

**7** Yerubalax pa mawh Gideon mai can pui pa ot mai nawh kaoh caocao mai hu bang ka praok rawm daux Harot, pui Midian khankix bang ka plak blaong kix, ka daux ngawd hawt caong gawng Mawre heue.<sup>2</sup> Mai Simiang Siyandex ah nin ka Gideon, "Pui pa ot tau mai maix kied nie, Aux ang pon ap pui Midian khankix ka daux taix kix, Aux lhat pui Isarelex khankix yaw rangdi tix khaing Aux ah nin, plawng taix cao Aux hoik deeh taoh ka aux heue.<sup>3</sup> Mawh kheu nan krai pao pui mhong ah nin, "Pui pa koe krax lhatgraung mai pa khirhawm khankix, kieh nawh dee ing caocao khaing gawng Gilat mai pui deeh ingra mheen, kawn deuk tix mheen kaux heue."<sup>4</sup> Mai Simiang Siyandex ah nin ka Gideon, "Pui khankix kawn nie tete, viex kix hu ka dee nyaux rawm mai Aux tak cheuk ti yaox kix son maix tan, ka pui pa ah Aux pon ti hu, pui an tak mawh pa hu tau mai maix, ka pui pa ah Aux ang pon ti hu, pui an takang pon ti hu tau mai maix heue.<sup>5</sup> Mawh kheu nan nawh viex

kix hu ka dee koe rawm mai Simiang Siyandex ah nin ka Gideon, "Pui pa lied ti nyaux rawm ka dak tix awm sox maix tak goih ti deuh kix tix cub mai pui pa gruxngawng tix nyaux rawm maix tak goih kix tix cub heue.<sup>6</sup> Pui pa dawm rawm lied tix nyaux ka daux taix tix simin ti yaox kix, koe pui loe yieh kaux, pui pa kawn deuk khankix mawh pa gruxngawng tix nyaux rawm heue.<sup>7</sup> Khaix an Simiang Siyandex ah nin ka Gideon, "Ka pui loe yieh kaux inkix pa hoik lied ti nyaux rawm Aux tak taoh maix kah mai ap pui Midian khankix ka daux tawm taix maix, kieh pui pa deuk khankix deeh ing ka dee ot tix heue.<sup>8</sup> Mawh kheu nan pui khankix teei ti viex priex ih tix mai viex teettawng ka daux taix tix mai nawh ploi pui Isarelax pa kawn deuk khankix deeh ing ka nyiex gox tix kukaux mai nawh yut ngie pui loe yieh an tau mai tix, pui Midian hoik bang ti ot plak greem ka daux ngawd heue.<sup>9</sup> Daux sawm an Simiang Siyandex ah nin ka nawh, "Kaoh heue, lih hu ka dee bang pui koeng maix khankix, mawh kheu Aux hoik ap kix ka daux taix maix heue."<sup>10</sup> "Phan maix koe krax lhatgraung kok kawncau maix Phura hu tau mai maix<sup>11</sup> mai maix tak mhong ka ceu pa ah kix, khaix ceu an, khawn taix maix tak koe riang rao sonsang lih hu dee bang kix mai nawh lih hu tau mai kawncau tix Phura ka dee pau krunaing ka plak praix tab dee bang kix heue."<sup>12</sup> Yam an pui Midian mai pui Amaliet mai pui pa kaoh khaing plak toh khankix, kied haohhun awm haohhun sido mai kix laig it ka daux ngawd khawmuik mai kala- uk kix kaww mawh pa ang lai dak uik simin awm mhaik rawm sigrit sigra heue.<sup>13</sup> Yam hoek Gideon tan nawh mhong ka krai pui grawng camaox tix ka paoxgrawm tix khankix ah nin, "Aux camaox blah nghoxkoi tix lon banglia hoek ka dee bang pui Midian, hu krox ka nyiex gox tix lhang, kieh nyiex gox an plukpliak mai lauxleeing heue."<sup>14</sup> Paoxgrawm nawh deeh ah nin, in ang mawh grawng tittix, mawh vaid Gideon kawn simex Yawsha pui Isarelax, mawh kheu Siyandex hoik ap pui Midian mai khawm krunaing kix

khawmuik ka daux taix nawh heue."<sup>15</sup> Yam hoik mhong Gideon ka krai kix dee bleeh camaox an mai nawh krub ka Simiang Siyandex, nawh deeh ing ka dee bang pui Isarelax khankix ah nin, "Yaog tix kaoh, mawh kheu Simiang Siyandex hoik ap cub krunaing pui Midian ka daux taix pex heue."<sup>16</sup> Khaix an nawh goih pui loe yieh koe loe cub mai kieh kix viex teettawng kukaux ka daux taix tix tau mai awtiexpa koe kawk ngu ka plak daux heue.<sup>17</sup> Mai nawh ah ninkakix, "Jhakkaauxmai hawtitiyuhawm aux mai pau tix jhak aux, yam hoek aux ka dex mee dee bang kix, pex tak yuh awm pa yuh aux heue."<sup>18</sup> Yam aux mai pui pa ot tau mai aux khankix phlu ka teettawng, pex pa ot ka praok dee bang kix khawmuik tak phlu teettawng ah nin, "In mawh vaid Simiang Siyandex mai Gideon heue."<sup>19</sup> Puitixyieh pahu tau mai Gideon hoek ka tab dee bang kix greung sawm, yam taug khraox loh cao pau tab paox tix mai kix phlu teettawng viex tix mai pah aw tiex pa koe daux taix tix max heue.<sup>20</sup> Cub pui naing nawh khawm loe cub phlu teettawng tix mai pah aw tiex max, kix giex kawk ngu ka taix khawn goix mai giex teettawng ka taix khawn dawm mai yolox ah nin, "Vaid Simiang Siyandex mai Gideon heue."<sup>21</sup> Pui tang cung ka dee ot tix hawt vungviang tab mai krunaing kix khawmuik riagyo mai to tua tix heue.<sup>22</sup> Yam phlu pui loe yieh kaux ka teettawng tix, Simiang Siyandex kieh vaid kix ralai mug ka paox tix ka daux tab kix khawmuik mai krunaing ankixlih to ka plak veng Bietshita pa koe plak see veng Zererax tom hoek ka mee haktiex veng Abela Mehawlax pa koe hawt veng Tabat heue.<sup>23</sup> Pui Isarelax khrawm paox tix ka haktiex Napthalix, haktiex Asha mai haktiex Manashe mai hawt ti pheet ka pui Midian heue.<sup>24</sup> Mai Gideon ploi pui cau tix khankix hu ka gawng Epharim mai tawm lox ka kix ah nin, "Rieb tix tiebtie ka pui Midian mai pau kix diang rawm Yawdan tom hoek ka yaong Bietbarax haktiex hawt rawm Yawdan heue." Pui Epharim kaww khrawm paox tix mai pau diang rawm tom hoek ka yaong Bietbarax heue.<sup>25</sup> Mai kix hoik pongiex cao kaing naing ting pui Midian ra

kaux pa kaux Awrebax mai Zebax, kix pah Awrebax piang rang Awrebax mai pah Zebax ka dee biiet Zebax rawm plix siiet, kix hawt khaix pui Midian mai viex kaing Awrebax mai kaing Zebax hoek ka Gideon ka toi rawm Yawdan heue.

### **Gideon Pex Pui Amawrix**

**8** Yam an pui Epharim deuh phimap sigrien sigre ah nin, "Kheu maix lai yuh ceu in ka yix, yam hu puing maix pui Midian maix ang kok yix lie?" <sup>2</sup> Gideon deeh ah nin ka kix, "Ceu pa hoik yuh aux khex sang pon tiag awm kaing pa hoik yuh pex lie? Plix siiet pa sut pex Epharim kawn nielheu mhawm khaing sigleem plix siiet khrawm Abeza ang mawh lie?" <sup>3</sup> "Siyiex hoik ap cao kaing naing ting pui Midian pa mawh Awrebax mai Zebax ka daux taix pex, aux sang pon yuh ceu patix, sonsang tiag aux tokaux tix mai pex lie?" Yam an krax songrhawm kix deeh grai kheu ah nawh ceu an ka kix heue. <sup>4</sup> Yam hoek Gideon ka rawm Yawdan tau mai pui loe yieh kaux, pa hu tau mai nawh khankix, tiang rawm an tau mai pa taug mao tix heue. Viang mawh nan kix kawn pon hawt pheet ka kix heue. <sup>5</sup> Nawh ah nin ka pui pa ot ka daux veng Sukhok, "Yuh buanson tawx blah ka pui pa hawt khaix aux khankix liak! Kix kied taug mao mai aux kawn hawt ti pheet simiang Zebaha mai Zalamunax pa mawh simiang pui Midian heue." <sup>6</sup> Mai cao kaing veng Sukhok ah nin, "Sonsang tawx yix blah ka krunaing maix khankix mawh hoik koe simiang Zabaha mai Zalamunax daux taix maix yam in lie?" <sup>7</sup> Mai Gideon deeh ah nin, "Jao grawng in yam hoik ap Simiang Siyiex Zebaha mai Zalamunax ka daux taix aux sax, aux tak sivied blawg pex ka kat lawm pa koe daux tiag tom griad nex pex kah heue." <sup>8</sup> Khaix an nawh lih hu khaing tan mai hoek ka veng Penuelax mai krai ka kix awm pa hoik krai tix mai pui veng Penuelax pawk lox nawh, awm pawk pui veng Sukhok ka nawh heue. <sup>9</sup> Mawh kheu nan nawh ah nin ka pui veng Penuelax, "Yam deeh hoek aux ka daux pa nhim tix bawg sax, aux tak yuh nyiex tab pau pex lauxleeing heue." <sup>10</sup> Yam an Zebaha mai Zalamunax ot ka daux veng Karakawtao mai

krunaing kix tix mheen phuan rheng, pui naing khankix mawh pa kawn deuk khaing krunaing pui pa kaoh ka plak toh, mawh kheu pui pa giex vaid giex pliah hoik yum ka daux naing tix sien ra mheen heue. <sup>11</sup> Gideon hu plak ot pui Midian ka daux nyiex gox kix ka plak toh daux veng Nawbaha mai veng Yubeha mai puing ka krunaing an kix mai ang koe krax khi tittix dee bang tix heue. <sup>12</sup> Simiang pui Midian pa mawh Zebaha mai Zalamunax lih to mai Gideon niied tix pheet kix mai pon giex kiek khawm ra kaux, nawh yieh ti tik tab mai kieh krunaing kix prungprang khawmuik heue. <sup>13</sup> Khaix an Gideon kawn simex Yawsha, deeh ing khaing daux biang naing mai hoek hawt krax caong gawng Herie heue. <sup>14</sup> Nawh giex pui awn ju pa ot daux veng Sukhok tix kaux mai chawkcheng nawh, kaw an tiem tix tawx ceukaux cao kaing veng Sukhok khawm ceukaux kuad song pa ot ka daux veng an atixgliah aliah kaux ka nawh heue. <sup>15</sup> Khaix an Gideon hoek ka veng Sukhok ah nin, "Jhak heue, in mawh simiang Zebaha mai Zalamunax pa koe lox sibriem pex ka aux, pa ah pex nin, "Mawh koe Zebaha mai Zalamunax ka daux taix maix yam in, sonsang tawx yix blah ka pui pa taug mao maix khankix lie?" <sup>16</sup> Nawh kok kuad song pa ot ka daux veng an khankix mai sidiex pui veng Sukhok ka kat lawm pa koe daux tiag khankix heue. <sup>17</sup> Khaix an nawh yieh ti tik nyiex tab pau veng Penuelax mai pah ti tik pui veng an kix heue. <sup>18</sup> Mai nawh ah nin ka Zebaha mai Zalamunax, "Pui pa pah pex daux veng Tabaw mawh pui payuh ka mawx?" Kiek deeh pawk ah nin, "Kix awm maix mai kix kukaux hoik awm grang kawn simex simiang heue." <sup>19</sup> Gideon deeh ah nin, "Kix mawh pux aux mai mawh kawn simex miex aux, awm pa im ju Simiang Siyiex, phan pex kieh kix im juyam an nhaox, aux ang tau tixpah pexyum heue." <sup>20</sup> Mai nawh ah nin ka kawn Ai tix Yeta, "Yaog ti kaoh mai pah kix heue." Viang mawh nan kawn nawh ang pon lawd vaid tix lih, kheu lhat nawh jao kawn mawh tix kawn nyawm heue. <sup>21</sup> Mawh kheu nan Zebaha mai Zalamunax ah nin, "Cao maix kaoh mai pah ka yiex, mawh kheu pui tak koe riang raoawm

diag pa mawh nawh pui tix kaux, mawh kheu nan Gideon yaog ti kaoh mai pah Zebaha mai Zalamunax khawm ra kiex mai peeik ti teeikraungkhri pa sau kiex ka ngawg kala-uk kiex heue.

### *Sibex Dhah Pa Ceep Gideon*

<sup>22</sup> Yam an pui Isarelax ah nin ka Gideon, "Hoik deeh taoh maix yix khaing daux tawm taix pui Midian maix mai kawn praix maix khawm kawn saux kawn sex maix kuang ka piang yix heue." <sup>23</sup> Gideon ah nin ka kix, "Aux ang pon kuang piang pex, kawn simex aux kawx ang pon kuang piang pex, Simiang Siyandex tak mawh pa kuang piang pex heue." <sup>24</sup>

Mai Gideon ah nin ka kix, "Aux simie ti khioxkhaw ka pex tix ceu, aux rawg pex tawx krim pa pon tudrhim pex khankix khaing pui koeng ka aux," mawh kheu pui koeng khankix mawh pui Ishamelax mai koe krim khri yhaok khankix heue. <sup>25</sup> Mawh kheu nan kix deeh ah nin, "Yix tak tawx ka maix awm pa koe rhawm tix," Kix tawm prux ka piang tiex mai pui kukaux, deuh krim khri yhaok pa pon tudrhim tix ka piang pruxan heue. <sup>26</sup> Krax pa cien krim khri yhaok pa rawg mhaing nawh khankix, koe tixrheng aliah yieh shekhe, lheu khaingan nawh baox pon kraung tauk ka ngawg, maox soi ngawg mai sibex dhah raoh rawt pa ceep simiang Midian tau mai kraung maox ngawg pa sau ka ngawg kala-uk kix heue. <sup>27</sup> Khaix an Gideon yuh sibex dhah dawd taix ka kraung khri mai deuh ka daux veng ot tix ka veng Awpharax, pui Isarelax hoik ludvao tau mai kraung ankix tan, an deeh lih ti mawh kie taong ka Gideon mai paox nyiex nawh khankix heue. <sup>28</sup> Pui Midian hoik som ka plaksivoe pui Isarelax mai ang lai pon yaog kaing tix tix bawg kawx, haktiex hoik yiienyawg tixpon num daux bauxju Gideon heue.

### *Grawng Yum Gideon*

<sup>29</sup> Yerubalax kawn simex Yawsha deeh ing ot ka daux nyiex tix heue. <sup>30</sup> Gideon koe kawn simex atixgliah kaux pa hoik mawh kawn cao nawh, mawh kheu koe moeng nawh tommie heue. <sup>31</sup> Moeng iak nawh pa ot ka daux veng Shekhim keh kawn simex tix kaux son nawh, ceukaux nawh mawh Abimaliet heue. <sup>32</sup> Yam in

Gideon kawn simex Yawsha hoik kuad mai yum, kix sipaung nawh ka daux simeeg keeing nawh Yawsha ka daux veng Awpharax dee ot Abeza heue. <sup>33</sup> Mai khaix hoik yum Gideon, pui Isarelax baox deeh ludvao mai siyandex Balax mai kix deeh yaog Balaberit mawh siyandex tix heue. <sup>34</sup> Pui Isarelax ang lai dohkeud ka Simiang Siyandex, pa hoik deeh taoh kix khaing daux tawm taix pui koeng kix, pa othawtpraok kixkudah <sup>35</sup> mai kix ang lai jhi krax cauxrhawm tix kanyandex Yerubalax pa mawh nyiexma Gideon, awm ceu pa mhawm pa hoik yuh nawh son pui Isarelax khankix heue.

### *Abimaliet Keud Pa Caoxcaig*

**9** Abimaliet kawn simex Yerubalax hu ka veng Shekhim dee ot pux miex nawh mai sikah tau mai kix khawm paox nyiexma keeing nawh ah nin, <sup>2</sup> "Krai pui pa ot daux veng Shekhim khankix mhong, krax pa kuang kawn simex Yerubalax atixgliah kaux ka piang pex mhawm nang lie? Phan ang mawh nan, mawh krax pa kuang pui tix kaux ka piang pex pa mhawm lie? Dohkeud ka mawh aux nexnham pex heue." <sup>3</sup> Paox nyiexma keeing nawh deeh krai pui veng Shekhim mhong lox in mai kix tat rhawm tix sonsang hawt khaix Abimaliet, mawh kheu kix hoik ah nin, "Nawh mawh puxaik yix heue." <sup>4</sup> Mawh kheu nan, kix teei ti tawx mau atixgliah shekhe khaing daux nyiex Balaxberit ka nawh, Abimaliet deeh cang ka pui pa lulhia vuvie mai pui pa ang nghiet lox khankix ka mau an mai kieh hawt khaix tix heue. <sup>5</sup> Khaix an nawh hu ka nyiex keeing tix ka daux veng Awpharax mai pah puxaik nawh khankix pa mawh kawn simex Yerubalax atixgliah kaux ka piang rang, viang mawh nan Yawtan pa mawh kawn ghoik Yerubalax pon glawd kheu jao mox nawh tix heue. <sup>6</sup> Pui veng Shekhim mai pui veng Bietmilaw khankix khrawm paox tix mai yaog Abimaliet mawh simiang tix hawt praok tiag khaox tiah ka dee koe rong simaox ka daux veng Shekhim heue.

### *Lox Tiag Grawng Khaox Khankix*

<sup>7</sup> Yam hoik krai kix grawng an ka Yawtan, nawh lih hu mai cung ka piang choek gawng Gerazim, nawh yolox tix ah nin ka kix, "Pex pui veng Shekhim khankix eue, sonsang nghiet

Siyiex lox pex heue.”<sup>8</sup> Daux bawgyam tix bawg, khaox khankix yaog simiang pa sang kuang piang kix tix kaux mai kix ah nin ka khaox Sanlun, “Kuang ka piang yix liak.”<sup>9</sup> Yam an khaox Sanlun deeh ah nin ka kix, “Mawh sang tik aux bee tix pa yaogyaw pui min plakngai Siyiex mai min plakngai kawn pui khankix mai kuang ka piang khaox khankix lie?”<sup>10</sup> Khaix an, khaox an khankix, deeh ah nin ka khaox ruh, “Hoek maix kuang ka piang yix liak?”<sup>11</sup> Mai khaox ruh deeh ah nin ka kix, “Mawh sang tik aux rawm pa tie tix mai khawm plix pa mhawm tix mai hu kuang ka piang khaox khankix lie?”<sup>12</sup> Khaix an, khaox khankix deeh ah nin ka nhu plix siiet, “Hoek maix kuang ka piang yix liak.”<sup>13</sup> Mai nhu plix siiet deeh ah nin ka kix, “Mawh sang tik aux rawm plix siiet khraox tix pa tawx krax nyawm rhawm ka Siyiex mai ka pui khankix mai hu kuang ka piang khaox khankix lie?”<sup>14</sup> Khaix an, khaox khankix deeh ah nin ka pang kat, hoek maix kuang ka piang yix liak!<sup>15</sup> Mai pang kat deeh ah nin ka khaox khankix, “Phan pex sang yaog aux mawh simiang pa kuang ka piang pex tete, hoek ot greem veei aux, phan pex ang rhawm ot greem veei aux ngu taklih khaing daux pang kat mai gleeing ti tik khaox Arit pa koe ka piang gawng Lebanon khankix heue.”<sup>16</sup> “Mawh kheu nan, yam in pex yaog Abimaliet mawh simiang tix, mawh hoik yuh pex ceu an ka daux pa mawh meh mai daux pa rahsee lie? Ka Yerubalax mai khawm paox nyiex nawh khankix kawx, pex caw ti yuh pa khaw pa mhawm, ceu pa yuh pex ankix mawh pa caw nawh ti pon ang mawh lie?”<sup>17</sup> Keeing aux hoik puing naing son pex mai hoik kham ti tawx ju tix, sonsang deeh taoh pex khaing daux tawm taix ceu pui Midian khankix heue.<sup>18</sup> Viang mawh nan, pex hoik tiehfeen ka nyiexma keeing aux, daux in ngaix mai pah kawn simex nawh atixgliah kaux ka piang rang mai pex hoik kieh kawn simex siliex sibun nawh pa mawh Abimaliet mawh simiang ka piang pui veng Shekhim, kheu hoik mawh nawh puxaik pex heue.”<sup>19</sup> “Yam in phan pex yuh ceu pa mawhmeh mai pa rahsee ka

Yerubalax tau mai paox nyiexma nawh, kieh pex koe krax gaux rhawm tau mai Abimaliet mai nawh tak koe krax gaux rhawm tau mai pex heue.”<sup>20</sup> “Phan ang mawh nan kieh ngu lih khaing daux Abimaliet mai yuh pui veng Shekhim khankix mai pui veng Bietmilaw khankix laux leeing, phan ang mawh nan kieh ngu deeh lih khaing pui veng Shekhim mai khaing pui veng Bietmilaw khankix, deeh hu gleeing Abimaliet laux leeing heue.”<sup>21</sup> Khaix an Yawtan to hu ka veng Berax mai ot tan kheu jaolhat nawh ka puxke tix Abimaliet heue.

### ***Grawng Rau Sibrawm Abimaliet***

<sup>22</sup> Khaix hoik kuang Abimaliet ka pui Isarelex loe num,<sup>23</sup> Siyiex ploi khuan caox hoek ka piang Abimaliet mai pui veng Shekhim kix ang lai kaux sijax ka Abimaliet,<sup>24</sup> grawng see in mawh pa hoikyuuh nawh ka piang kawn simex Yerubalax atixgliah kaux pa deeh hoek ka piang nawh mai phimap nham kix tak mawh pa glup ka piang puxaik Abimaliet, pa hoik pah ka kix mai ka piang pui veng Shekhim, pa hoik teem nawh pah ka puxaik nawh heue.<sup>25</sup> Pui veng Shekhim kieh pui kix yuh naing jawm ka Abimaliet mai deuh pui ka piang choek gawng mai yuh cun ka pui pa hu krax hawt baoh an khawmuik, Abimaliet deeh mhong ka grawng an heue.<sup>26</sup> Galax kawn simex Ebiet hoek tau mai puxaik tix khankix ka veng Shekhim, pui veng Shekhim deuh rhawm tix ka nawh heue.<sup>27</sup> Kix hu ka daux sipeem plix siiet mai khrawm plix siiet mai biiet rawm plix siiet, yuh krax gauxrhawm mai laig ka daux nyiex siyiex tix mai nyaux rawm plix siiet tan mai jhaxlawg ka Abimaliet heue.<sup>28</sup> Galax kawn simex Ebiet ah nin, sonsang yuh ex kaing jhaw nawh, Abimaliet mawh pui pa yuh ka mawx? Mai Shekhim kawx mawh pa yuh ka mawx? Nawh mawh kawn simex Yerubalax mai Zebulax hoik mawh cao kaing nawh ang mawh lie? Kieh ex yuh kaing jhaw pui Hamaw pa mawh keeing Shekhim, jao patix ex lai sang yuh kaing jhaw Abimaliet?”<sup>29</sup> “Phan pui inkix hoik ot ka daux tawm taix aux, aux tak gah Abimaliet mai kraik nawh ah nin, baox khre krunaing maix mai lih hoek heue.”<sup>30</sup> Yam mhong Zebulax pa kuang veng ka lox Galax kawn simex

Ebiet, krax songrhawm nawh hoik kaoh dommawx doman heue.<sup>31</sup> Nawh yuh cuyi mai ploj cao cau khankix hu ka Abimaliet mai kieh kix ah nin ka nawh, "Galax kawn simex Ebiet mai puxaik nawh khankix hoik hoek ka veng Shekhem mai kix ot tin," yam inkix hoik yuh veng tix kauxcong sonsang puing ka maix heue.<sup>32</sup> "Mawh kheu nan daux sawm in maix khawm pui pa ot tau mai maix khankix, kaoh mai hu jawm ti pau kix ka daux kaung heue."<sup>33</sup> Maix kaoh plak ponngawb caocao yam lih singaix mai hu laig sijaox ka daux veng yam lih hoek nawh tau mai pui nawh khankix ka maix, maix tak pon ti yuh ka kix awm pa khaw maix ti yuh heue."<sup>34</sup> Mawh kheu nan, Abimaliet mai pui pa ot tau mai nawh khankix kaoh ka daux ponsawm mai hu jawm ti pau veng Shekhem tau mai pui naing pon cub heue.<sup>35</sup> Yam lih cung Galax kawn simex Ebiet mai pui nawh ka diang siviex veng, Abimaliet mai pui ot tau mai nawh yaog ti kaoh khaing dee jawm kix ti pau heue.<sup>36</sup> Yam hoik yaox Galax ka pui khankix nawh ah nin ka Zebulax, "Jhak heue, pui khankix hoik lih khaing choek gawng, viang mawh nan Zebulax deeh ah nin ka nawh, maix hoik yaox veei gawng awm mawh jung pui khankix heue."<sup>37</sup> Mai Galax baox ah nin, "Jhak heue, pui khankix hoik lih jee khaing sigreung gawng mai an tix cub kaoh khaing Divina pa mawh Mawnenim, dee koe khaox tiah khankix heue."<sup>38</sup> Khaix an Zebulax deeh ah nin ka nawh, "Awm pa hoik ah maix, ex lai sang yuh kaing jhaw nawh, Abimaliet mawh pui pa yuh ka mawh lie? Pui inkix hoik mawh pa sibriem maix ang mawh lie? Lih hu mai puing ka kix yam in heue."<sup>39</sup> Mawh kheu nan, Galax lih hu sivee pui veng Shekhem khankix mai puing ka Abimaliet heue.<sup>40</sup> Abimaliet hawt pheet ka nawh mai Gilax pon to khaing nawh mai pui nawh khankix hoik kied mat tomnie mai yum hawt diang siviex veng heue.<sup>41</sup> Khaix an Abimaliet ot ka daux veng Aruma mai Zebulax grheu Galax mai puxaik nawh khankix son ang kix lai pon ti ot ka daux veng Shekhem heue.<sup>42</sup> Yam hoek ka daux singaix khaix Abimaliet mhong grawng sang lih hu pui khankix ka daux kaung,<sup>43</sup> mawh

kheu nan, nawh deeh kok lien tix khankix mai goih kix koe loe cub mai kieh kix hu jawm ti pau ka daux kaung mai jhak ti yaox ka kix, yam yaox kix lih pui khankix khaing daux veng, kix yaog ti kaoh mai hu puing ka kix heue.<sup>44</sup> Abimaliet mai cub pui naing pa ot tau mai nawh, niied ti hu mai pau diang siviex laig daux veng mai tang cub niied ti lih hu ka pui pa hoik ot daux kaung khankix mai pah ti tik kix heue.<sup>45</sup> Abimaliet puing ti teei ka veng an leeinglang ngaix mai pah pui pa ot ka daux veng khankix mai yieh guh veng khankix lauxleeing mai rhuat kih ka piang dee laux guh veng heue.<sup>46</sup> Yam mhong pui pa ot ka piang nyiex pau tab Shekhem khankix ka grawng an, kix laig ot ka dee kauxcong pa mawh nyiex siyiex Berit heue.<sup>47</sup> Abimaliet hoik mhong grawng khrawm pui pa ot ka daux nyiex pau tab veng Shekhem khankix khrawm paox tix tau heue.<sup>48</sup> Abimaliet lih hu ka piang gawng Zalamon tau mai pui nawh khankix, nawh viex moe tix mag daux taix tix mai kid kakkhaox tix gawng mai nawh teei kak khaox an, klawm ka piang klip tix ah nin ka can pui pa ot tau mai nawh khankix, "Yaox pex yuh aux ka mawx pex niied ti hawt yuh awm pa hoik yuh aux heue."<sup>49</sup> Awm an pui kukaux kid kak khaox cie tix mai hawt khaix Abimaliet mai deuh ankix ka dee pa kauxcong ot pui khankix, kix keeig nyiex pau tab pa kauxcong ot kix ka ngu, khawm simex sibun pa ot ka daux nyiex pau tab Shekhem khankix yum tix rheng kaux heue.<sup>50</sup> Khaix an Abimaliet deeh hu ka veng Tebiet mai kix lailawm ka veng Tebiet mai puing ka veng an heue.<sup>51</sup> Viang mawh nan nyiex pau tab pa kauxcong kawn koe tix mu ka daux veng, pui veng khankix to laig tan mai nyeep siviex ka plak daux mai kix haok ka piang choek nyiex pau tab an heue.<sup>52</sup> Abimaliet hoek dex ka nyiex pau tab an mai puing ka dee an mai nawh greed ti dex ka siviex nyiex pau tab an sonsang keeig ka ngu heue.<sup>53</sup> Sibun tix kaux teei simaox mhaw tix plah mai dheeem ka piang kaing Abimaliet maikaing nawh max heue.<sup>54</sup> Nawh niied ti kok kawn lien pa viex kraung naing tix ah nin ka nawh, "Lawd vaid maix mai pah ka aux,

phan ang mawh nan aux lhat pui khankix ah nin ka tix, mawh sibun pa pah ka nawh," mawh kheu nan kawn lien nawh suat nawh ka vaid mai nawh yum tan heue.<sup>55</sup> Yam yaox pui Isarelex khankix ka hoik yum Abimaliet, kix kukaux lih hu ka dee ot tix heue.<sup>56</sup> Mawh kheu nan, Siyex deeh pawk pa caox ka Abimaliet pa hoik yuh nawh ka keeing tix mai pa hoik pah nawh puxaik tix khankix atixgliah kaux heue.<sup>57</sup> Siyex hoik deeh kieh krax caoxcaig pa yuh pui veng Shekhim khankix hoek ka piang tokaux kix mai awm lox pa hoik jhaxlawg Yawtan kawn simex Yerubalax hoik hoek ka piang kix khawmuik heue.

### ***Grawng Tawlax***

**10** Khaix Abimaliet, pui pa sang taoh ka pui Isarelex khankix deeh lih koe tix kaux mai nawh mawh Tawlax kawn simex Pu-a pa mawh kawn simex Dodo ceu pui Isakha, nawh ot ka daux veng Shamira ka piang gawng Epharim heue.<sup>2</sup> Nawh prawngsee ka piang pui Isarelex tixnga loe num, khaix an nawh yum mai kix sipaung nawh ka daux veng Shamira heue.

### ***Grawng Ya-irax***

<sup>3</sup> Khaix nawh, Ya-irax ceu pui Gilat, deeh mawh pa prawngsee ka piang pui Isarelex khankix tixnga ra num heue.<sup>4</sup> Nawh hoik koe kawn simex tixngoe kaux, pa hoik brug la tixngoe mu, kix baox koe veng tixngoe veng mai kok ceukaux veng an mawh Havotya-irax tom in singaix mai veng ankix hoik koe ka daux haktiex Gilat heue.<sup>5</sup> Ya-irax yum mai kix sipaung nawh ka daux veng Khamon heue.

### ***Pui Isarelex Yaox Krax Yeenia***

<sup>6</sup>Khaix an, pui Isarelex khankix baox deeh yuh pa caoxcaig ka plaksivoe ngai Simiang Siyex mai yuh kaing jhaw siyex Balax mai siyex Ashatariet, siyex Shurix, siyex Sidon, siyex Mawbax, siyex pui Amon mai siyex pui Philitix khankix, kix hoik tikvud ka Simiang Siyex mai ang lai yuh kaing jhaw Nawh Cao heue.<sup>7</sup> Mawh kheu nan, krax pa songrhawm Simiang Siyex, hoik lih ka piang pui Isarelex mai Nawh Cao coh kix ka daux taix pui Philitix mai pui Amon khankix heue.

<sup>8</sup> Jah ka daux num an, kix hoik yuh krax tugkha mai yeenia ka pui Isarelex khankix kao daix num pa ot ka praok toi rawm klawng Yawdan dee ot pui Amawrix ka daux haktiex Gilat heue.<sup>9</sup> Lheu khaing an, pui Amon khankix hoik tiang hoek ka plak toi rawm Yawdan sonsang puing ka pui Yudax mai ka pui Benyamin mai ka doeh nyiexma pui Epharim khankix, mawh kheu nan pui Isarelex kied yaox krax kharhawm heue.<sup>10</sup> Pui Isarelex riagyo ka Simiang Siyex ah nin, "Yix hoik lud ka Maix Cao, mawh kheu hoik tikvud yix ka Simiang Siyextix mai hoik huyuh kaing jhaw siyex Balax heue."<sup>11</sup> Mai Simiang Siyex deeh ah nin ka pui Isarelex, "Ang mawh Aux pa hoik taoh pex khaing pui Ejiptux, khaing pui Amawrix khaing pui Amon mai khaing pui Philitix khankix lie?"<sup>12</sup> Yam ciyang pui Sidon, pui Amaliet mai pui Mawnix ka piang pex, pex riagyo ka Aux mai Aux hoik taoh pex khaing daux taix kix heue.<sup>13</sup> Viang mawh nan pex hoik tikvud ka Aux mai hu yuh kaing jhaw siyextang kaux, mawh kheu nan Aux tak ang lai baox deeh taoh ka pex heue.<sup>14</sup> Lih hu mai riagyo ka siyex pa laug pex ti teei khankix, kieh kix deeh taoh ka pex yam hoek pex krax lauxrhawm heue."<sup>15</sup> Khaix an pui Isarelex khankix deeh ah nin ka Simiang Siyex, "Yix hoik lud, yuh ka yix awm pa koe alo Maix Cao, yix rawg Maix Cao deeh taoh yix daux in singaix khaing heue."<sup>16</sup> Mawh kheu nan, kix tikvud siyex tang meung pa koe daux sinax kix mai deeh yuh kaing jhaw Simiang Siyex mai rhawm rhi Nawh Cao ang lai pon yaox krax kharhawm pui Isarelex khankix heue.<sup>17</sup> Pui Amon khrawm paox tix mai hu yuh tab ka haktiex Gilat, pui Isarelex khankix kawx deeh baox khrawm paox tix mai hu yuh tab ka veng Mizapa heue.<sup>18</sup> Cao kaing haktiex Gilat khankix ah nin ka paox tix tix kaux lai tix kaux, "Mawh pui mawx pa sang jah ti puing ka pui Amon, nawh tak pon ti mawh cao kaing ka piang pui pa ot ka daux haktiex Gilat khankix heue."

### ***Grawng Yephata***

**11** Yephata pa mawh pui Gilat, mawh pui pa koe riang mai koe rhawm kua rhawm

vao, nawh mawh kawn simex sibun coh kaux mai keeing nawh mawh Gilat heue.<sup>2</sup> Moeng Gilat keh kawn simex tomnie yam hoik ting lhaong kix kukaux, kix grheu Yephata lih hu khaing kix mai ah nin ka nawh, "Maix tak ang pon ti koe sinngao tix ceu kawx ka daux nyiexma keeing yix, mawh kheu maix hoik mawh kawn simex sibun tang kaux heue."<sup>3</sup> Khaix an Yephata to khaing puxaik nawh khankix mai hu ot ka daux haktiex Tawbax, cub pui pa lulhia vuvie pa ang mhawm jhawm khankix, khrawm paox tix tau mai Yephata mai kix hawt khaix nawh heue.<sup>4</sup> Khaix hoik luan bawgyam tix baux, pui Amon yuh naing ka pui Isarelax heue.<sup>5</sup> Yam yuh pui Amon naing ka pui Isarelax, kuad simiang haktiex Gilat khrawm paox tix hu kok Yephata khaing daux haktiex Tawbax heue.<sup>6</sup> Mai kix ah nin ka Yephata, "Hoek mai yuh cao kaing naing ting yix sonsang pon yix ti puing ka pui Amon khankix heue."<sup>7</sup> Mai Yephata deeh ah nin ka kuad simiang haktiex Gilat, "Pex hoik koeng ka aux mai hoik grheu aux lih khaing daux nyiexma keeing aux ang mawh lie? Yam in pex lai hoek ka aux, yam koe krax pa lauxrhawm tix yuh ka mawx?"<sup>8</sup> Mai kuad simiang haktiex Gilat deeh ah nin ka Yephata, "Kheu jao an yix hoik baox hoek ka maix yam in, hu tau mai yix mai puing ka pui Amon khankix sonsang kieh yix maix mawh cao kaing ka piang pui pa ot daux haktiex Gilat khankix heue."<sup>9</sup> Yephata deeh ah nin ka kuad simiang haktiex Gilat, "Pex deeh viex aux ing ka daux nyiex mai puing ka pui Amon khankix, phan Simiang Siyiex ap kix ka aux, mawh sang kieh pex aux mawh cao kaing pex lie?"<sup>10</sup> Mai kuad simiang haktiex Gilat ah nin ka Yephata, "Phan yix ang cu ti yuh awm lox krai maix Simiang Siyiex tak mawh mhairug sinax ex heue."<sup>11</sup> Khaix an, Yephata lih hu mai kuad simiang haktiex Gilat mai pui an kix yaog nawh mawh cao kaing naing ting ka piang kix mai Yephata deeh krai lox ka plak sivoe Simiang Siyiex ka daux veng Mizapa heue.<sup>12</sup> Yephata ploi pui cautixhukasimiang pui Amon mai kieh

**11:17** Si 20:14-21. **11:18** Si 21:4. **11:19-22** Si 21:21-24. **11:25** Si 22:1-6.

kix ah nin, "Mawh koe aux grawng ceu patix ka maix, maix lai sang hoek ti yuh naing ka daux haktiex aux mai puing ka aux lie?"<sup>13</sup> Simiang pui Amon pawk ah nin ka pui cau Yephata, "Mawh kheu hoik teei pui Isarelax haktiex aux khaix hoik lih kix khaing haktiex Ejiptux, jah khaing rawm klawng Anon, rawm klawng Yaboktom hoek ka rawm klawng Yawdan, mawh kheu nan yam in deeh tawx haktiex ankix ka daux pa nhim heue."<sup>14</sup> Mai Yephata baox ploi pui cau hu ka simiang pui Amon<sup>15</sup> mai kieh kix ah nin, "Yephata ah yuh nin, pui Isarelax khankix ang teei haktiex Mawbax mai haktiex pui Amon khankix heue."<sup>16</sup> Viang mawh nan, yam lih hoek pui Isarelax khaing haktiex Ejiptux, kix lawng hu ka daux tiag tom hoek ka rawm sigrit sigra raoh pa mawh rawm sigrit sigra Edom mai kix bleeh ka yaong Kadesha heue.<sup>17</sup> Pui Isarelax khankix ploi pui cau tix hu ka simiang Edom ah nin, "Yuh buanson kieh yix tiang ka daux haktiex maix liak." Viang mawh nan, simiang Edom ang nghiet lox kix, awm an kix deeh ploi pui cau tix hu ka simiang haktiex Mawbax, viang mawh nan nawh ang nghiet, mawh kheu nan pui Isarelax kawn kut ti ot daux yaong Kadesha tan heue.<sup>18</sup> Mai kix lih hu ka plak krax daux tiag mai via haktiex Edom mai haktiex Mawbax mai kix hoek ka haktiex Mawbax plak toh mai kix ot ka plak toi rawm klawng Anon, yam an kix ang laig ka daux haktiex Mawbax, kheu rawm klawng Anon mawh mee haktiex Mawbax heue.<sup>19</sup> Khaix an pui Isarelax deeh ploi pui cau hu ka Sihong simiang pui Amawrix pa kuang ka veng Heshabon mai ah nin ka nawh, "Yuh buanson kieh yix tiang ka daux haktiex maix, sonsang hu yix ka dee ot tix heue."<sup>20</sup> Viang mawh nan, Sihong ang yumrhawm ka pui Isarelax, sonsang tiang kix ka dee pa kuang nawh, mawh kheu nan Sihong deeh khrawm pui tix khawmuik mai hu bang ka daux veng Yahat mai puing ka pui Isarelax heue.<sup>21</sup> Simiang Siyiex pui Isarelax hoik ap simiang Sihong khawm pui nawh ka daux taix pui Isarelax mai hoik pex ka kix, mawh kheu nan pui Isarelax rhim ti cie haktiex mai kraung khrai pui Amawrix pa ot daux haktiex an khawmuik heue.<sup>22</sup> Kix teei ti cie kraung

khrai dee kuang pui Amawrix khawmuik jah ka rawm klawng Anon tom hoek ka rawm klawng Yabok, jah ka daux tiag tom hoek ka rawm klawng Yawdan heue.<sup>23</sup> Mawh kheu Simiang Siyiex hoik grheu pui Amawrix ka plak sivoe pui Nawh Cao pa mawh pui Isarelax mai maix khex sang deeh teei lie?<sup>24</sup> Mawh ang pex pon teei ti cie haktiex pa tawx siyiex Khemosha ka pex lie? Mawh kheu nan, can haktiex pa hoik grheu Simiang Siyiex ka plak sivoe yix khankix, yix hoik pon ti cie heue.<sup>25</sup> Mawh lheu mhawm pex khaing Baliet kawn simex Ziphaw simiang haktiex Mawbax lie? Mawh hoik sax tiehfeen nawh ka pui Isarelax lie? Mawh hoik sax puing nawh ka kix lie?<sup>26</sup> Glang kawn ot pui Isarelax ka daux yaong daux veng Heshabon khankix mai ka daux yaong daux veng hawt rawm klawng Anon loe yieh num, pex lai ang deeh pon teei an kix yuh ka mawx?<sup>27</sup> Aux ang koe krax lud ka maix, viang mawh nan maix hoik lud ka aux, kheu jao puing maix aux, kieh Simiang Siyiex mawh cao prawngsee mai tat see ka daux sinax pui Isarelax mai pui Amon daux in singaix heue.<sup>28</sup> Viang mawh nan, simiang pui Amon ang nghiet ka lox pui pa hoik ploj Ephata ka nawh heue.<sup>29</sup> Khuan Simiang Siyiex lih ka piang Ephata mai nawh preeng hu ka haktiex Gilat mai haktiex Manashe mai phlat hu ka veng Mizapa pa koe ka daux haktiex Gilat mai hu ka dee ot pui Amon khankix heue.<sup>30</sup> Ephata yuh lox sijax mukheu ka Simiang Siyiex ah nin, "Phan Maix Cao sang ap pui Amon ka daux tawm taix aux tete,<sup>31</sup> yam deeh hoek aux daux krax pa nhim khaing pui Amon, pui mawx pa lih khaing daux diang siviex nyiex aux mai rieb ka aux sivoe paox tix, tak mawh cie Simiang Siyiex mai aux tak tan ti tawx pui an mawh son krax tan pa gleeing heue.<sup>32</sup> Ephata lih hu ka plak dee ot pui Amon mai puing ka kix mai Simiang Siyiex ap kix ka daux tawm taix nawh heue.<sup>33</sup> Nawh hoik pex ka kix, jah ka veng Araw tom hoek ka veng Minnit, khawm veng Abelaxkeramin khankix tixnga veng tau

**11:35** Si 30:2.

mai krax pa pah kix pui yum, mawh kheu nan pui Amon khankix hoik som ka plak sivoe pui Isarelax khankix heue.

### ***Grawng Kawn Sibun Ephata***

<sup>34</sup> Yam deeh hoek Ephata ka nyiex tix daux veng Mizapa, jhak heue, kawn sibun nawh lih ti rieb ka nawh tau mai tah tix chang mai graoh, nawh mawh kawn sibun tix kaux khaing, lheu khaing nawh Ephata ang koe kawn simex kawn sibun tix kaux kawx heue.<sup>35</sup> Yam yaox Ephata ka kawn sibun tix, nawh riah kraung ceep tix ah nin, "Kawn sibun aux eue, maix hoik kied kieh aux lauxrhawm maix hoik mawh pui pa tuktiax ka aux, mawh kheu aux hoik krai lox ka Simiang Siyiex mai aux ang lai chix deeh tieh khaing grawng ceu an heue."<sup>36</sup> Kawn sibun nawh deeh ah nin ka nawh, "Keeing aux eue, phan maix hoik krai lox ka Simiang Siyiex, yuh ka aux awm ceu pa hoik lih khaing daux jheeh maix, mawh kheu Simiang Siyiex hoik pawk bix son maix ka pui koeng maix pui Amon khankix heue.<sup>37</sup> Nawh deeh ah nin ka keeing tix, "Tawx akhuang ka aux liak, kieh aux tang ot ka daux ra khix sonsang lailing aux ka piang gawng tau mai paoxgrawm aux khankix mai yiemyo grawng mawh tix sibunkrih heue."<sup>38</sup> Keeing nawh ah nin, "Hu heue," mai ploj nawh hu been ra khix mai nawh lih hu tau mai paoxgrawm tix mai yiemyo grawng mawh tix bunkrih ka pianggawng heue.<sup>39</sup> Khaix hoik naog bawg yam ra khix, nawh deeh ing ka keeing tix mai keeing nawh yuh awm pa hoik koe lox sijax mukheu tix, kawn sibun an mawh pa ang nyang sax dexdawd mai simex,<sup>40</sup> kawn sibun pui Isarelax khankix lih hu tix num pon ngaix ku num, sonsang yiemyo kix ka kawn sibun Ephata pa mawh pui Gilat mai grawng ceu an hoik lih ti mawh been pa priex pui Isarelax khankix ti deuh heue.

### ***See Ephata Mai Pui Epharim***

**12** Pui Epharim khankix khrawm paox tix mai tiang hu ka veng Zaphon pa koe plak blaong mai ah nin ka Ephata, "Yam hu puing maix ka pui Amon maix ang kok yix hu tau mai tix yuh ka mawx? Yix tak gleeing nyiex maix ka ngu heue."<sup>2</sup> Ephata deeh ah

nin ka kix, "Yam yuh lung pui aux khawm tokaux aux ti puing ka pui Amon khankix, yam kok aux ka maix, maix ang deeh taoh aux khaing daux tawm taix kix heue.<sup>3</sup> Yam hoik yaox aux ka ang maix taoh tix, aux tan ju tix mai hu puing ka pui Amon mai Simiang Siyiex ap kix ka daux tawm taix aux, pexlai sang hoek puing ka aux yuh ka mawx?"<sup>4</sup> Yephata deeh khrawm pui Gilat khawmuik mai puing ka pui Epharim, pui Gilat pah ka pui Epharim, kheu jao ah kix nin, "Pex pui Gilat mawh pui Epharim pa ang loig pa ot khaing sinax pui Epharim mai khaing sinax pui Manashe heue."<sup>5</sup> Pui Gilat pau diang rawm klawng Yawdan sivoe pui Epharim, yam hoek pui Epharim pa pon to ti klawd tixblah ah nin, "Kieh aux tiang liak?" Pui Gilat deeh ah nin ka nawh, "Mawh maix pui Epharim lie?" Phan nawh ah ang mawh!<sup>6</sup> Kix tak sang ah nin ka nawh maix cheu ti ah lox Shibawliet mai nawh deeh ah Sibawliet, mawh kheu kix ang chix ah gumlox an sidawng, kix tom giex nawh mai pah nawh hawt diang rawm klawng Yawdan, pui Epharim pa hoik yum yam an koe pon mheen ra rheng kaux heue.<sup>7</sup> Yephata hoik prawngsee ka piang pui Isarelex liah num, Yephata pa mawh pui Gilat yum mai kix sipaung nawh ka daux veng pa koe daux haktiex Gilat heue.

### ***Grawng Ibazar, Elon Mai Abdon***

<sup>8</sup> Khaix Yephata, pui veng Bieliehiem pa mawh Ibazar deeh yaog ti mawh cao prawngsee ka pui Isarelex heue.<sup>9</sup> Nawh koe kawn simex tixngoe kaux mai kawn sibun tixngoe kaux, nawh kieh kawn sibun tix, teei pui tang ceu mai nawh deeh teeikawn sibun pui tang ceu tixngoe kaux, son kawn simex tix khankix, nawh hoik prawngsee ka piang pui Isarelex aliah num heue.<sup>10</sup> Khaix an, Ibazar yum mai sipaung nawh ka daux veng Bieliehiem heue.<sup>11</sup> Khaix Ibazar, Elon ceu pui Zebulun deeh mawh cao prawngsee ka piang pui Isarelex kao num heue.<sup>12</sup> Mai Elon pa mawh ceu pui Zebulun yum mai kix sipaung nawh daux veng Aiyalon daux haktiex Zebulun heue.<sup>13</sup> Khaix Elon, Abdon kawn simex Hilelax pui veng Piraton deeh mawh cao prawngsee ka piang pui Isarelex heue.

**13:5** Si 6:1-5.

<sup>14</sup> Nawh koe kawn simex tixpon kaux mai kawn saux tixngoe kaux, pa brug kawn la awn atixgliah mu, nawh hoik prawngsee ka piang pui Isarelex daix num heue.<sup>15</sup> Khaix an Abadon kawn simex Hilelax pui veng Piraton yum, kix sipaung nawh ka daux veng Piraton, pa koe ka daux haktiex Epharim ka piang gawng Amaliet heue.

### ***Grawng Keh Samson***

**13** Pui Isarelex khankix baox yuh pa caoxcaig ka plak sivoe ngai Simiang Siyiex mai Simiang Siyiex deeh ap kix ka daux tawm taix pui Philitix tixpon num heue.<sup>2</sup> Koe pui veng Zawrax tix kaux, pa kaoh khaing doebru pui Dan, ceukaux nawh mawh Manaw, moeng nawh mawh sibun neh pa ang koe kawn heue.<sup>3</sup> Kawncau Simiang Siyiex lih bleeh ka sibun an ah nin ka nawh, "Glang ka in maix mawh sibun neh mai ang sax keh kawn tix bawg kawx, viang mawh nan maix tak koe kaux mai keh kawn simex tix kaux heue.<sup>4</sup> Mawh kheu nan yuh satix maix, son ang maix sang nyaux rawm plix siiet mai plai mai son ang maix sang ih ka ceu pa ang singax singeh tix ceu kawx heue.<sup>5</sup> Grawh grawng nawh maix tak koe kaux mai keh kawn simex tix kaux mai ang pon ti khlao ka hauk kaing nawh, grawh grawng nawh kawn an tak mawh pui Nazarix tix kaux son Siyiex khaing daux vaig miex tix heue. Mai nawh tak mawh pa jah tix taoh ka pui Isarelex khaing daux tawm taix pui Philitix heue."<sup>6</sup> Khaix an, sibun an deeh hoek mai krai ah nin ka mex tix, "Pui Siyiex hoek ka aux mai pakngai Nawh awm pakngai kawncau Siyiex, pa kied koe krax lhatgraung kah, aux ang lai chawk dee kaoh Nawh mai Nawh ang lai krai ceukaux tix ka aux heue."<sup>7</sup> Nawh ah nin ka aux, maix tak koe kaux mai keh kawn simex tix kaux, mawh kheu nan paw nyaux ka rawm plix siiet mai plai mai paw ih pa ang singax singeh, mawh kheu kawn an tak mawh pui Nazarix tix kaux ka son Siyiex jah khaing daux vaig miex tix tom hoek singaix yum nawh heue."<sup>8</sup> Khaix an Manaw rawgbuan ka Simiang Siyiex ah nin, "Simiang Siyiex aux eue, yuh buanson kieh pui Siyiex pa hoik ploi Maix Cao baox hoek gau yix ka ceu pa sang yaox yix ti yuh ka son kawn simex pa

sang lih ti keh an liak.”<sup>9</sup> Mai Siyiex nghiet ka lox Manaw mai kieh kawncau Siyiex baox hoek ka sibun an, yam kawn ngawm nawh ka daux kaung, yam an mex nawh Manaw ang ot tau mai nawh tan heue.<sup>10</sup> Sibun an niied ti hu krai ka mex tix ah nin, “Jhak heue, pui pa hoek ka aux singaix an nhaox taug khraox bleeh ka aux yam in heue.”<sup>11</sup> Manaw yaog ti kaoh mai hawt khaix moeng tix mai hoek ka pui an mai ah nin ka Nawh, “Mawh maix pui pa hoik sikah mai sibun in lie?” mai Nawh deeh ah nin, “Mawh Aux heue.”<sup>12</sup> Manaw ah nin, “Kieh gumlox Maix grumnaog, kawn nyawm simex in, sang mawh pui yuh ka mawx? Sang caw ti yuh ka mawx ka nawh?”<sup>13</sup> Kawncau Simiang Siyiex deeh ah nin ka Manaw, “Canceu pa hoik krai Aux khawmuik ka sibun an, kieh nawh yuh satix tix kah heue.”<sup>14</sup> Nawh tak ang ponti ih cancelu pa lih khaing nhu plix siet tix ceu kawx mai tak ang pon ti nyaux rawm plix siet mai plai mai tak ang pon ti ih ka ceu pa ang singax singeh tix ceu kawx, cancelu pa hoik tawm Aux khawmuik kieh nawh hawt ti yuh awm an heue.”<sup>15</sup> Manaw deeh ah nin ka kawncau Simiang Siyiex, “Yuh buanson kieh yix gang ti deuh Maix, yix sang ing khre kawn pexiak tix mu son Maix heue.”<sup>16</sup> Mai kawncau Simiang Siyiex deeh ah nin ka Manaw, “Viang maix gang ti deuh Aux kawx, Aux tak ang ih priex preem pa khre maix, phan maix sang tan krax tan pa gleeing, maix caw tix tan ka Simiang Siyiex.” Mawh kheu Manaw ang tawng ka hoik mawh Nawh kawncau Simiang Siyiex heue.<sup>17</sup> Manaw ah nin ka kawncau Siyiex, “Yam hoik grumnaog gumlox Maix sax, sonsang pon yaogyaw yix ka Maix, ceukaux Maix mawh patix?”<sup>18</sup> Mai kawncau Simiang Siyiex ah nin ka nawh, “Kheu maix lai chawk ceukaux Aux? ceukaux Aux mawh pa daoxdeng heue.”<sup>19</sup> Manaw teei kawn pex iak tau mai krax tan ceu pa ih mai nawh tan ankix ka piang rang ka son Simiang Siyiex heue. Nawh Cao yuh ceu pa daoxdeng tix ceu, Manaw mai moeng nawh simi ti jhak<sup>20</sup> yam haok rao ngu ka plak raoma, khaing ka piang khu dee tan an, kawncau Simiang Siyiex haok ka daux rao

ngu pa lih khaing piang khu dee tan an, yam hoik yaox Manaw mai moeng nawh ka ceu inkix, kieh gup pakngai tix ka piang tiex heue.<sup>21</sup> Kawncau Simiang Siyiex ang lai baox bleeh ka kieh, khaix an Manaw tawng ka hoik mawh Nawh kawncau Simiang Siyiex heue.<sup>22</sup> Manaw deeh ah nin ka moeng tix, “Ax tak yum tete mawh kheu hoik yaox ax ka Siyiex heue.”<sup>23</sup> Moeng nawh deeh ah nin ka nawh, “Phan Simiang Siyiex koe rhawm ti sang pah ax, Nawh Cao ang tau ti rieb krax tan pa gleeing mai krax tan ceu pa ih ax khaing daux tawm taix ax mai Nawh Cao ang tau ti jhi ax yaox ceu inkix mai Nawh Cao ang tau ti krai ceu pa awm inkix ka daux bawg yam in heue.”<sup>24</sup> Mawh kheu nan sibun an keh kawn simex tix kaux mai kok ceukaux nawh mawh Samson, kawn simex an haokhuan ting lhaong mai Simiang Siyiex nawb buan ka piang nawh heue.<sup>25</sup> Mai khuan Simiang Siyiex jah ti hoek ka piang nawh, ka daux tab pui Dan pa koe sinax veng Zawrax mai veng Eshatawlax heue.

#### **14 Samson Moeng Ka Pui Philitix**

Daux bawgyam tix bawg, Samson lih hu ka veng Timana mai yaox ka sibun pui Philitix tix kaux ka daux veng Timana heue.<sup>2</sup> Nawh deeh ing krai ka miex keeing tix ah nin, “Aux hoik yaox sibun pui Philitix tix kaux ka daux veng Timana, mawh kheu nan yam in teei aux moeng ka nawh liak.”<sup>3</sup> Miex keeing nawh ah nin ka nawh, “Sonsang teei maix ti moeng pui Philitix pa ang nyang pat hak tix, mawh ang sibun lai koe tix kaux kawx sinax kawn sibun puxaik maix mai sinax ceu pui ex lie?” Mai Samson deeh ah nin ka keeing tix, “Teei nawh son aux liak! Mawh kheu aux hoik kied khawrhawm ka nawh heue.”<sup>4</sup> Viang mawh nan, miex keeing nawh ang tawng ka mawhpahoikyuh Simiang Siyiex sonsang sawg Nawh Cao grawng ceu pa sang yuh Tix ka pui Philitix, ka daux bawgyam an mawh yam kuang pui Philitix ka piang pui Isarelax khankix heue.<sup>5</sup> Yam an, Samson lih hu ka veng Timana tau mai miex keeing tix, yam hoek ka sipeem plix siet Timana, jhak heue, sivai sangsi awn ju tix mu hoek ti graox ka nawh heue.<sup>6</sup> Khuan Simiang Siyiex lih hoek ka piang nawh, viang nawh ang koe kraung tittix

kawx, nawh hoik ciah ti tik nex sivai sangsi awn ju an, awm ciah tix ka kawn pex tix mu, viang mawh nan nawh ang krai pa hoik yuh tix ka miex keeing tix heue.<sup>7</sup> Khaix an, nawh lih hu sikah tau mai sibun an mai mawh pa khawcaw rhawm Samson kah heue.<sup>8</sup> Khaix an, ang ot rheeng yam deeh hu nawh ti sang teei sibun an, nawh veh praok krax sonsang jhak ka to yum sivai sangsi an mai jhak heue, cub phung hia mai rawm hia koe ka daux to yum sivai sangsi an heue.<sup>9</sup> Nawh cawk ti teei an mai ih hu hawt krax, yam hoek nawh ka miex keeing tix, nawh tawx kiex ih, viang mawh nan nawh ang krai kiek tawng grawng hoik teei tix rawm hia an khaing ka daux to yum sivai sangsi heue.<sup>10</sup> Keeing nawh baox lih hu ka sibun an mai awm pa hoik dawg koe been pa yuh kawn nyawm sinaw khankix Samson yuh pawie tix mu tan heue.<sup>11</sup> Yam yaox pui dee ankix ka Samson kix kok paoxgrawm tix tixngoe kaux yuh pawie tau mai nawh heue.<sup>12</sup> Khaix an, Samson ah nin ka kix, "Kieh aux krai lox niieb mox ka pex, phan pex pon krai ka daux aliah singaix, glang sinax pawie in, aux tak tawx pex cie prux lhop tixngoe pheen mai kraung ceep tixngoe jung heue.<sup>13</sup> Viang mawh nan, phan pex ang pon krai dee bleeh, pex tak yaox ti deeh tawx prux lhop tixngoe pheen mai kraung ceep tixngoe jung ka aux" mai kix ah nin ka nawh, "Krai lox niieb mox maix ka yix heue."<sup>14</sup> Nawh ah nin ka kix, "Khaing daux ceupa chixih, hoikkoe ceu pa ih mai khaing daux pa ting riang hoik koe ceu pa tie," tom hoek loe ngaix kix ang pon krai dee bleeh lox niieb mox an heue.<sup>15</sup> Yam hoik hoek daux pon ngaix, kix ah nin ka moeng Samson, "Nyawglaw ka mex maix, sonsang krai nawh dee bleeh lox niieb mox an ka yix, phan ang mawh nan, yix tak keeing maix khawm nyiexma keeing maix ka ngu heue. Mawh hoik ghaok yixhoeksonsangteei ceu pa koe ka yix ang mawh lie?"<sup>16</sup> Moeng Samson yiiem sivoe nawh ah nin, "Maix hoik koeng ka aux, maix ang tie moh ka aux, maix hoik krai lox niieb mox ka kawn simex pui aux khankix mai ang krai dee bleeh ceu an kix ka aux," Samson ah nin ka nawh, "Miex

keeing aux kawx aux ang nyang krai mhong, aux sang pon krai ka maix yuh ka mawx?"<sup>17</sup> Sibun an hoik yiiem sivoe nawh, tom hoek aliah ngaix glang yuh kix pawie, yam hoek ka daux aliah ngaix, nawh krai dee bleeh an ka nawh, mawh kheu hoik kied yuh sibun an nawh sivix rhawm, khaix an sibun an deeh ing krai dee bleeh lox niieb mox an ka kawn simex pui nawh khankix heue.<sup>18</sup> Mawh kheu nan, pui daux veng khankix hoek ah nin ka nawh yam hoik naog aliah ngaix ka sang klip singaix, "Mawh ceu patix pa lheu tie khaing rawm hia? mawh ceu patix pa lheu ting riang khaing sivai sangsi?" Nawh ah nin ka kix, "Phan pex ang hoik thai ma ka kawn mawie shiang aux, pex ang tawng dee bleeh lox niieb mox aux heue."<sup>19</sup> Khuan Simiang Siyieh lih hoek ka piang nawh, nawh lih hu ka veng Ashakelon mai pah pui veng an tixngoe kaux, nawh teei kraung ceep kix mai tawx ka pui pa hoik pon krai dee bleeh lox niieb mox nawh heue. Mawh kheu nan, krax songrhawm nawh hoik lih mai nawh deeh ing ka nyiexma keeing tix heue.<sup>20</sup> Mai kix tawx moeng Samson ka paoxgrawm, pa mawh pui pa mhawm ka piang nawh heue.

**15 Grawng Pex Samson Ka Pui Philitix**  
 Yam hoek bawgyam vawg nghox ca, Samson viex kawn pex tix mu hu fi ka moeng tix ah nin, "Kieh aux laig ka daux lawg moeng aux liak." Viang mawh nan, paox nawh ang tawx akhuang laig nawh ka daux heue.<sup>2</sup> Paox nawh ah nin ka nawh, "Aux keud maix hoik koeng ka nawh tete mai aux hoik tawx paoxgrawm maix moeng ka nawh, pux sibun nawh nielheu mhawm khaing nawh ang mawh lie? Teei maix cie pux tang puxke heue."<sup>3</sup> Mai Samson deeh ah nin ka nawh, "Aux mawh pa luan khaing pa deuh pui Philitix phimap son grawng daux pa yuh aux krax pa kharhawm ka kix heue."<sup>4</sup> Samson hu mai giex sox praix loe yieh mu mai phiawk sidax sox praix an kix ra mu tau mai nawh vien ngu proh kasinax tohsidax sox praixankix heue.<sup>5</sup> Nawh keeing ngu ka proh an mai kieh sox praix ankix hu ka daux biang kaung pui Philitix khankix mai gleeing lhiem nghox khawm gawng nghox mai khawm sipeem

plix sriet, sipeem khaox Sanlun kix khawmuik heue. <sup>6</sup> Pui Philitix khankix ah nin, "Mawh pui mawx pa yuh ceu in," mai kix pawk lox ah nin, "Mawh pa yuh Samson pa mawh kheue pui veng Timana heue." Mawh kheu hoik teei nawk ti tawx moeng Samson ka paoxgrawm nawk, mawh kheu nan pui Philitix hoek ti gleeing sibun an mai keeing nawk ka ngu heue. <sup>7</sup> Samson ah nin ka kix, "Awm hoik yuh pex ceu in, aux tak deeh pawk bixtix ka piang pex, khaix an aux tak naox pa yuh tix heue. <sup>8</sup> Mawh kheu nan nawk klah piang si-ang khaix kix mai ba kix pot mai pah kix mai lih hu haok ot ka daux rang Etham heue. <sup>9</sup> Pui Philitix lih hu mai yuh tab ka daux haktiex Yudax mai ploi pui tix naog hawt baoh Lehi heue. <sup>10</sup> Pui Yudax ah nin, "Pex hoek ti puing ka yix yuh ka mawx?" Kix pawk ah nin, "Yix hoek sonsang giex Samson mai sang yuh ka nawk awm hoik yuh nawk ka yix heue." <sup>11</sup> Pui Yudax loe rheng hu ka daux rang Etham ah nin ka Samson, "Mawh ang maix tawng ka kuang pui Philitix ka piang yix lie? Maix hoik yuh ceu in ka yix kheu jao patix?" Nawk deeh ah nin ka kix, "Aux yuh kakix awm pa hoik yuh kix ka aux heue." <sup>12</sup> Kix ah nin ka nawk, "Yix hoek ti giex maix sonsang tawx maix ka pui Philitix," Samson deeh ah nin ka kix, "Tiextulox pex ka aux, son ang tokaux cao pex pahaux heue." <sup>13</sup> Kix krai ah nin ka nawk, "Yix ang pah maix! yix tak phiawk maix tom kaux mai ap maix daux taix kix, yix ang doh pah ka maix" mai kix phiawk nawk ka maox ra nyaing mai viex lih khaing rang heue. <sup>14</sup> Yam hoek nawk ka bhaox Lehi, pui Philitix hoek yo lox mai nawk, khaix an khuan Simiang Siyiex baox lih hoek ka piang nawk, maox phiawk ka taix nawk awm maox pa hoik gleeing ngu mai hoik gah khaing taix nawk heue. <sup>15</sup> Nawk yaox kap la tix mu pa taug khraox mai nawk teei an pah pui tix rheng kaux kah heue. <sup>16</sup> Khaix an Samson ah nin, "Aux hoik pah ti pum pui tix rheng kaux ka kap la heue." <sup>17</sup> Khaix hoik krai nawk ceu an nawk sivun kap la an mai nawk kok ceukaux dee an mawh "Ramatlehi heue." <sup>18</sup> Nawk kied simie

ti nyaux rawm mai rawgbuan ka Simiang Siyiex ah nin, "Maix Cao hoik tawx krax taoh pa ting lhaong in, ka daux tawm taix kawncau Maix Cao, yam in aux dex sang yum ka sang nyau nie tix rawm mai aux tak sang hoek ka daux tawm taix pui pa ang pat hak khankix lie?" <sup>19</sup> Mawh kheu nan, Siyiex paoh daux tiex ka daux ngawd Lehi mai kieh rawm lih khaing tan, khaix hoik nyaux nawk rawm an nawk deeh koe riang mai pon toek bhawm tix, mawh kheu nan nawk kok ceukaux dee an mawh Hakawra pa koe ka daux Lehi tom in singaix heue. <sup>20</sup> Mai nawk hoik prawngsee ka piang pui Isarelax tixnga num daux bawg singaixkuang pui Philitix khankix heue.

### **16 Grawng Samson mai Delila**

**1** Khaix an Samson hu ka plak veng Gaza, nawk yaox ka sibun coh kaux tix kaux mai nawk laig ot tau mai nawk heue. <sup>2</sup> Yam mhong pui veng Gaza grawng hoek Samson daux veng kix, kix lailawm ti pau nawk leeingsawm hawt dex diang siviex veng, kix ot yiienyawg leeingsawm ah nin, "Ex tak pah nawk yum yam bah riieng prairx plak ponngawb heue." <sup>3</sup> Samson it tom hoek greung sawm, yam hoek greung sawm nawk yaog ti kaoh mai hu laoh ti viex siviex veng, pang siviex ra mu mai jhong siviex mai klawm ti viex hu ka piang klip tix ka piang choek gawng pa koe sivoe veng Hebron heue. <sup>4</sup> Khaix an, nawk baox deeh moh ka sibun pa ot ka daux ngawd Sawriet tix kaux, ceukaux nawk mawh Delila heue. <sup>5</sup> Simiang pui Philitix hoek ka sibun an ah nin, "Nyawglaw mai yuh tix tawng dee koe riang rao nawk mai sonsang pon phiawk ex nawk ka ceu patix mai sonsang pon yuh ex krax kharhawm ka nawk mai yix kukaux tak tawx lon mau ka maix tixrheng tixyieh shekhe heue." <sup>6</sup> Delila chawk ah nin ka Samson, "Yuh buanson krai aux mhong dee ting riang rao maix mai grawng ceu pa sang pon phiawk pui maix ka maox mai sonsang pon yuh pui krax pa kharhawm maix liak." <sup>7</sup> Samson ah nin ka sibun an, "Phan kix phiawk aux ka maox gan pa ang nyang kroh aliah nyaing, aux tak awn

riang mai awm pui tang kaux heue.”<sup>8</sup> Mawh kheu nan cub simiang pui Philitix, viex maox gan klai pa ang nyang kroh aliah nyaing hoek ka nawh mai sibun an phiawk nawh ka heue.<sup>9</sup> Pui tixblah mox ti jawm nawh ka daux lawg it sibun an, sibun an ah nin ka nawh, “Samson eue, pui Philitix hoek ti puing maix,” nawh rud ti tik maox gan an awm dud maox keei pa hoik gleeing ka ngu heue. Kix ang nyang tawng grawng deeh koe riang rao nawh heue.<sup>10</sup> Khaix an Delila ah nin ka Samson, “Maix hoik naknon mai pielhen ka aux, yuh buanson krai aux mhong kagrawng ceupasang pon phiawkkmaix liak.”<sup>11</sup> Nawh ah nin ka sibun an, “Phan kix phiawk aux ka maox khraox pa ang nyang sax shiao tix bawg kawx, aux tak awn riang mai awm pui tang kaux heue.”<sup>12</sup> Delila teei maox khraox mai phiawk ka nawh ah nin ka nawh, “Samson eue, pui Philitix hoek ti puing ka maix,” pui tixblah mox ti jawm nawh ka daux lawg, viang mawh nan nawh rud ti tik maox pa koe ka plawng taix tix awm gawng keei tix nyaing heue.<sup>13</sup> Delila ah nin ka Samson, “Tom Yam in maix naknon mai pielhen ka aux, krai aux mhong ceupasang pon phiawkkmaix liak,” Mai nawh ah nin ka nawh, “Phan maix taing hauk aux ka daux kraung taing aliah brawm mai tawk ti deuh ka ding, riang rao aux tak awn hu mai aux tak awm pui tang kaux heue.”<sup>14</sup> Delila taing hauk kaing nawh aliah brawm tom kaux ka daux kraung taing mai tawk jim tom kaux ka piang ding ah nin ka nawh, “Samson eue, pui Philitix hoek ti puing ka maix,” Samson si duad mai bluh ti tik maox pa hoik taing mai jim an khaing kraung taing heue.<sup>15</sup> Sibun an ah nin ka nawh, “Maix lai ah moh tix ka aux khawm ang maix tie koe rhawm rhi ka aux yuh ka mawx? Maix hoik pielhen ka aux loe bawg phao mai ang cu ti krai aux mhong grawng dee koe riang rao pa ting maix heue.”<sup>16</sup> Sibun an ah lox thux mai laklheet nawh ka lox kuceu ku ngaix, mawh kheu nan, rhawmrhi Samson hoik kied laux tom dex

sang yum tix,<sup>17</sup> nawh hoik krai pa koe daux rhawm tix khawmuik ka sibun an, “Ang sax khlaohauk kaing tix tix bawg kawx, mawh kheu aux hoik mawh pui Nazarix son Siyex tom daux vaig miex aux, phan aux khlaohauk kaing tix, riang rao aux tak lih khaing aux mai aux tak awn riang aux tak awm pui tang kaux heue.”<sup>18</sup> Yam yaox Delila ka krai nawh pa koe daux rhawm tix, nawh ploipui kok ka simiang pui Philitix ah nin, “Deeh hoek tix bawg ha! mawh kheu hoik krai nawh aux mhong pa koe daux rhawm tix khawmuik.” Khaix an, cub simiang pui Philitix viex mau mai hoek ka nawh heue.<sup>19</sup> Khaix an Delila teem nawh it ka piang ngawng tix mai kok pui tix kaux khlaohauk kaing brawm nawh aliah nyaing khaing kaing nawh, nawh hoik jah ti yuh krax kharhawm ka nawh mai riang nawh hoik grai hu heue.<sup>20</sup> Sibun an ah nin ka nawh, “Samson eue, pui Philitix hoek ti puing ka maix,” Mawh kheu nan nawh yaog ti kaoh khaing dee it tix ah nin, “Aux tak sang lih hu awm phaoka mai nawh sau riang tix,” viang mawh nan, nawh ang tawng ka hoik tik Simiang Siyex ka tix heue.<sup>21</sup> Pui Philitix hoek giex nawh mai koik sok ngai nawh lih, kix deeh viex nawh hu ka veng Gaza, kix phiawk nawh ka maox tawng mai kieh nawh krid mhaw daux thawng heue.<sup>22</sup> Hauk kaing nawh baox deeh kuah, khaix hoik khlaohauk kix heue.

### ***Samson Yum Tau Mai Pui Philitix***

<sup>23</sup> Cub simiang pui Philitix khrawm paox tix, sonsang tan krax tan pa appong pa ting lhaong ka siyex cie kix Dagon mai yuh krax pa gauxrhawm mai kix ah nin, siyex ex hoik ap Samson pa mawh pui koeng ex ka daux taix ex heue.”<sup>24</sup> Yam yaox pui khankix ka Samson, kix yaogyaw ka siyex tix ah nin, “Siyex ex hoik ap pui koeng ex ka daux taix ex, pa yuh haktiex ex laux mai pa kieh pui ex yum tomnie heue.”<sup>25</sup> Yam gauxrhawm kix kix ah nin, “Kok Samson hoek ti klieh ex yaox,” Mawh kheu nan kix kok Samson khaing daux thawng mai nawh klieh kix yaox, kixphiawknawh otkasinxrongnyiex

heue.<sup>26</sup> Khaix an Samson ah nin ka kawn nyawm pa tok taix nawh, "Kieh aux giex rong nyiex in sonsang neung aux tix kah heue."<sup>27</sup> Pui naog ka daux nyiex an khawm simex khawm sibun mai cub simiang pui Philitix kawx ot tan khawmuik, lheu khaing an pui pa hoek ti jhak yam klieh Samson, simex, sibun, pa ot piang braux nyiex koe pui loe rheng kaux heue.<sup>28</sup> Samson rawgbuan ka Simiang Siyiex ah nin, "Simiang Siyiex eue, dohkeud ka aux liak! Aux rawg Maix Cao deeh baox tawx riang rao ka aux, pie bawg in tix bawg khaing Siyiex eue, sonsang deeh pawk aux bix tix ka pui Philitix son sok ngai aux ra mu tix taix neh liak."<sup>29</sup> Samson giex ka rong pa joh nyiex pa koe daux sigreung ra mu, nawh teei riang tix ka rong an, plak khawn dawm tix mu mai plak khawn goix tix mu heue.<sup>30</sup> Samson rawgbuan ah nin, "Kieh aux yum tau mai pui Philitix," Nawh sau riang rao tix lih khawmuik mai nyheen ka rong mai nyiex an grhup ka piang simiang khankix mai pui pa ot daux an khawmuik heue. Mawh kheu nan, can pui pa hoik pah nawh kix yum yam yam nawh, nielheu khaing pa pah nawh kix yum yam im ju tix heue.<sup>31</sup> Puxaik nawh mai paox nyiex keeing nawh hoek mai teei tokaux yum nawh ing, kix sipaung ka nawh sinax veng Zawrax mai veng Eshatawlax daux simeeg keeing nawh Manaw, nawh hoik prawngsee ka piang pui Isarelax tixnga numheue.

### **Rieanggrang Mikha**

**17** Koe pui tix kaux piang gawng Epharim mai ceukaux nawh mawh Mikha heue.<sup>2</sup> Nawh ah nin ka miex tix, "Lon mau kawn pa hoik grai khaing pax tixrheng tixyieh shekhe mai pa mhong aux hoik jhaxlawg pax ka koe mai aux, aux hoik teei ti deuh," mai miex nawh deeh ah nin, "Kawn simex aux eue, kieh Simiang Siyiex nawb buan ka piang maix heue."<sup>3</sup> Yam deeh tawx nawh lon mau an tixrheng tixyieh shekhe ka miex tix, miex nawh ah nin, "Aux hoik tan lon mau pa koe an khawmuik ka Simiang Siyiex sonsang raug maix rieanggrang Terax tix mu, mawh kheu nan yam in aux tak deeh tawxan ka maix

**17:6** Cao 21:25.

heue."<sup>4</sup> Mawh kheu nan, nawh deeh tawx lon mau an ka miex tix, miex nawh teei lon mau an ra yieh shekhe mai tawx pa chix kraung mau yuh rieanggrang Terax pa saik tix mu mai pa raug tix mu mai deuh rieanggrang Terax an ka daux nyiex Mikha heue.<sup>5</sup> Pui Mikha an koe nyiex krub tix mu mai nawh yuh ti deuh sibex dhah tix pheen mai rieanggrang Tara pa krub kix son daux nyiexma tix mai nawh hoik yaog kawn simex tix tix kaux mawh cao giex kaing li tix heue.<sup>6</sup> Bawgyam an simiang ang koe ka daux pui Isarelax, pui kukaux tang yuh awm rhawm keud tokaux tix khaing heue.<sup>7</sup> Koe pui pa awn ju pa ot daux veng Bieliehiem khaing meung Yudax pa kaoh khaing pui Yudax, nawh mawh pui Lewix tix kaux, nawh hoek ti peung daux veng Bieliehiem heue.<sup>8</sup> Pui an lih khaing veng Bieliehiem meung Yudax sonsang yaox ti ot dee mhawm praix tix dah mai nawh bleeh ka gawng Epharim mai peung ka nyiex Mikha, yam hu nawh krax heue.<sup>9</sup> Mikha ah nin ka nawh, "Kaoh maix khaing dee mawx?" Nawh deeh ah nin, "Aux mawh pui Lewix khaing veng Bieliehiem meung Yudax, aux hu sawg dee peung tix heue."<sup>10</sup> Mikha ah nin ka nawh, "Otmai aux tin mai mawh keeing ka aux mai mawh cao giex kaing li ka son aux, aux tak tawx mau kao shekhe mai kraung ceep tix jung khawm priex ih ka maix ku num," mawh kheu nan, pui Lewix an laig ka daux nyiex nawh heue.<sup>11</sup> Pui Lewix an fahrhawm ka ottix tau mai nawh mai pui awn ju an lih ti awm kawn simex ka son nawh heue.<sup>12</sup> Mawh kheu nan, Mikha yaog pui Lewix pa awn ju an mawh cao giex kaing li tix mai nawh ot ka daux nyiex Mikha heue.<sup>13</sup> Mai Mikha ah nin ka nawh, "Yam in aux hoik tawng Simiang Siyiex tak yuh ceu pa mhawm ka piang aux, kheu hoik pon aux pui Lewix tix kaux mawh cao giex kaing li heue."

### **Rieanggrang Pa Yuh Mikha**

**18** Ka daux baux bawgyam ang pui Isarelax khankix nyang bax koe simiang, doe hui Dan kawn sawg haktiex sinngao pa caw kix ti pon tom yam an nhaox, kix ang nyang bax pon sinngao haktiex cie tix

khaing sinax doebru pui Isarelx heue.<sup>2</sup> Mawh kheu nan, pui Dan tom laug ka pui pa ting riang pa kua vao ka daux paox nyiex kix phuan kaux khaing veng Zawrax mai veng Eshatawlax mai ploi kix hu jiang ka haktiex mai tawm lox ah nin ka kix, "Lih hu sawg ti yaox ka haktiex," Mawh kheu nan kix hu ka piang gawng Epharim mai hoek ka nyiex Mikha mai kix peung tan heue.<sup>3</sup> Yam kawn ot kix daux nyiex Mikha, kix pon ce ka lox sikah pui Lewix awn ju an, kix laig ka dee ot nawh ah nin ka nawh, "Mawh pui mawx pa viex maix hoek tin? Yuh maix patix ka dee in? Mawh koe grawng ceu patix ka son maix tin?"<sup>4</sup> Nawh ah nin ka kix, "Mawh Mikha pa yuh grawng ceu in ka aux, nawh hoik vai aux kieh aux mawh cao giex kaing li tix heue."<sup>5</sup> Mawh kheu nan, kix ah nin ka nawh, "Yuh buanson chawkcheng ka Siyandex sonsang tawng yix krax pa sang hu tix liak,"<sup>6</sup> mai cao giex kaing li ah nin ka kix, "Hu daux pa nhimrhawm, Simiang Siyandex tak ot tau mai pex ka dauxkraxhu pexheue."<sup>7</sup> Mawh kheu nan, pui an kix phuan kaux lih hu khaing tan mai hoek ka veng Lesha, kix yaox ka krax ot pui pa ot tan hoik awm krax ot pui Sidon pa ang koe krax khi pa ot daux pa nhim tix, cao kuang haktiex pa sang sidiex gau kix kawx ang koe tix kaux kawx, kix hoik singai khaing pui Sidon mai ang lai sitee tix ka pui tix kaux kawx heue.<sup>8</sup> Khaix an cao pa jiang deeh ing ka puxaik kix pa ot daux veng Zawrax mai veng Eshatawlax, puxaik kix ah nin ka kix, "Koe grawng pa sang krai pex ceu patix?"<sup>9</sup> Kix deeh ah nin, "Yaog tix kaoh, kieh ex hu puing kix, mawh kheu ex hoik yaox haktiex an, mawh pa kied mhawm tete, pex lai kawn kaog yuh nin yuh ka mawx? Paw lai nhim sonsang laig puing ex mai teei ti cie haktiex an heue."<sup>10</sup> "Yam hu pex, pex tak hoek ka dee ot pui ang koe satix mai ka dee viehva haktiex, mawh kheu Siyandex hoik tawx in ka daux taix pex, dee an mawh dee ang cudcha ka can pa koe ka piang haktiex in tix ceu kawx heue."<sup>11</sup> Pui liah yieh kaux khaing paox nyiex Dan, lih hu khaing veng Zawrax mai veng Eshatawlax tau mai kraung naing sonsang puing naing heue.<sup>12</sup> Khaix an, kix lih hu mai bang ka daux veng Kirayatyarim,

daux meung Yudax, mawh kheu nan, kix kok ceukaux dee an mawh dee bang dee peung pui Dan tom hoek daux in singaix, dee an koe plak khaix veng Kirayatyarim heue.<sup>13</sup> Kix lih khaing tan mai hu ka piang gawng Epharim mai hoek bleeh ka nyiex Mikha heue.<sup>14</sup> Yam an pui phuan kaux pa hu jiang haktiex Lesha krai ah nin ka puxaik tix, "Ang pex tawng koe sibex dhah mai rieanggrang siyandex Terax khawm rieanggrang Terax pa saik mai pa raug ka daux nyiex inkix lie? Sang caw ti yuh ka mawx, keud ti yaox yam in heue."<sup>15</sup> Mawh kheu nan, kix veh tan mai laig ka nyiex pui awn ju Lewix an ka nyiex Mikha mai kix singeuh taix nawh heue.<sup>16</sup> Pui Dan khankix pa viex kraung naing liyah yieh kaux, hoik cung daux sivex heue.<sup>17</sup> Pui phuan kaux pa hu jiang ka haktiex, laig ka daux nyiex mai kix teei rieanggrang Terax pa hoik saik, sibex dhah mai rieanggrang Terax pa raug pa koe ka daux nyiex khawmuik, cao giex kaing li mai pui pa naing liyah yieh, cung tau hawt diang sivex heue.<sup>18</sup> Yam laig kix daux nyiex Mikha, kix teei rieanggrang Terax pa saik, sibex dhah mai rieanggrang Terax pa raug pa koe ka daux nyiex khawmuik, cao giex kaing li ah nin ka kix, "Mawh yuh pex ceu patix?"<sup>19</sup> Mai kix deeh ah nin ka nawh, "Yawg tix! thox jheeh maix mai hawt khaix yix mai deeh mawh keeing mai mawh cao giex kaing li tix kaux ka son yix khaing sang yuh maix cao giex kaing li ka son pui tix kaux ngie, phan maix yuh cao giex kaing li ka son doeh pui tix cub mai ka daux paox nyiex pui Isarelx khankix nielheu mhawm son maix ang mawh lie?"<sup>20</sup> Mawh kheu nan, cao giex kaing li an gauxrhawm mai teei sibex dhah mai rieanggrang Terax pa koe daux nyiex khankix mai rieanggrang Terax pa saik mai laig hu sinax pui khankix heue.<sup>21</sup> Kix deeh veeh tix mai lih khaing tan, kix kieh kawn nyawm iak mai tobrie, kraung khrai pa pon kix hu sivoe kix heue.<sup>22</sup> Yam hoik hoek kix deesingai khaingnyiex Mikha, pui pa ot hawt rawbrim nyiex Mikha khankix, deeh khrawm paox tix hawt pheet ka pui Dan tom krup heue.<sup>23</sup> Mai kix kok yo ka pui Dan khankix, mawh kheu nan pui Dan deeh gi ti jhak ah nin ka Mikha, mawh koe grawng ceu patix

maix lai khrawm pui dingdod hawt khaix yix!"<sup>24</sup> Mikha deeh ah nin, "Pex hoik teei ti viex siyiex pa yuh aux khankix khawm cao giex kaing li hu, lheu khaing in aux kawn deuk ceu patix? Pex lai kawn ah nin, mawh koe grawng ceu patix ka aux?"<sup>25</sup> Pui Dan khankix deeh ah nin ka nawh, "Paw lai kieh yix mhong lox maix, phan ang mawh nan ha pui pa songrhawm inkix kox yuh maix mai kieh ju maix khawm paox nyiex maix khankix hoek krax somnai heue."<sup>26</sup> Khaix an pui Dan hu krax hu tix, yam yaox Mikha ka hoik kied ting riang rao kix khaing tix, nawh deeh veeh ti ing ka nyiex tix heue.<sup>27</sup> Mawh kheu nan, kix teei can pa hoik yuh Mikha mai cao giex kaing li pa ot tau mai nawh hu mai kix deeh hu ka veng Lesha ka pui pa ot daux pa ang koe satix khankix mai pah pui ankix ka lawm vaid mai gleeing veng kix ka ngu heue.<sup>28</sup> Pui pa sang deeh taoh ka kix ang lai koe, mawh kheu dee ot kix mawh pa singai khaing veng Sidon mai kix ang tie sitoe tau mai pui tix kaux kawx, veng an koe daux ngawd veng Bietrehawbax, mawh kheu nan kix baox deeh sum veng khraox mai kix ot tan heue.<sup>29</sup> Kix sum ceukaux veng an mawh veng Dan pa hawt ceukaux keeing kix pa hoik keh khaing pui Isarelex pa kaux Dan, ceukaux veng an ka sivoe dix mawh veng Lesha heue.<sup>30</sup> Pui Dan khankix deeh kaw pang ti deuh rieanggrang Terax pa saik Mikha ka son kix mai kix kieh kawn simex Manashe, kawn simex Geshom pa mawh Yawnatan mai kawn simex nawh khawmuik, mawh cao giex kaing li ka doehru Dan tom hoek bawgyam pa giex kix hu khaing haktiex heue.<sup>31</sup> Mawh kheu nan, kix hoik pang hoik kaw ti deuh rieanggrang Terax pa hoik saik Mikha ka son kix, glang bawgyam kawn koe nyiex buan Siyiex ka daux veng Shilaw heue.

## **19 Grawng Moeng iak Pui Lewix**

Daux baux bawgyam ang simiang nyang bax koe ka daux pui Isarelex, koe pui Lewix tix kaux pa hu bang ti ot ka praox caong gawng Epharim, nawh teei moeng iak tix ka daux veng Bieliehiem meung Yudax heue.<sup>2</sup> Sibun an lud ka nawh mai deeh ing ka nyiex keeing tix daux

veng Bieliehiem meung Yudax mai ot tan pon khix heue.<sup>3</sup> Khaix an, mex nawh hawt khaix nawh sonsang deeh nyaw nawh ing, nawh viex kawncau tix kaux mai la ra mu hu tau mai tix, sibun an viex nawh laig daux nyiex keeing tix, yam yaox keeing sibun an ka kheue tix, kied koe krax gauxrhawm kah heue.<sup>4</sup> Paox nawh pa mawh keeing sibun an, gang ti deuh nawh mai nawh ot mai paox ti loe ngaix, mawh kheu nan kix peung tan mai ih nyaux tau heue.<sup>5</sup> Yam hoek pon ngaix tix ngaix, kix kaoh ponngawb caocao mai khre ti sang hu khaing tan, viang mawh nan keeing sibun ah nin ka kheue tix, "Ih blah ceeix ha, sonsang koe riang pex, khaix an pex hu krax pa sang hu pex heue."<sup>6</sup> Mawh kheu nan, kiex deeh ngawm khawm ra mai ih nyaux tau, khaix an keeing sibun an, deeh ah nin ka nawh, "Yuh buanson laux tix tin sawm in ha mai kieh pax koe krax gauxrhawm kah heue."<sup>7</sup> Yam deeh khre nawh ti sang hu, paox nawh deeh nyaw nawh ot, mawh kheu nan nawh yaox ti baox peung tan heue.<sup>8</sup> Yam hoek phuan ngaix tix ngaix nawh kaoh ponngawb caocao sonsang hu tix, keeing sibun an ah nin, "Yuh buanson baox naok riang pex ha mai gun tom hoek yam jung singaix mai kiex khawm ra baox ih ka pa khankheu nawh heue."<sup>9</sup> Yam deeh khre nawh ti sang hu tau mai moeng iak tix khawm kawncau nawh, paox nawh pa mawh keeing sibun an ah nin ka nawh, "Ponngaix hoik dex uik mai dex hoek plak ponbo, yuh buanson peung tin sonsang koe krax gauxrhawm, kaoh ponngawb caocao pasax mai hu ka krax hu pex, phan yuh nan pex tak pon ti hoek ka nyiex tix heue."<sup>10</sup> Viang mawh nan, nawh anglai koe rhawm ti sang it tan daux sawm an, mawh kheu nan nawh sau lhang ka piang kawn la ra mu mai yaog ti kaoh hu tau mai moeng iak tix mai hoek ka dahdee tix dah, pa koe sivoe veng Yebok pa mawh veng Yerusalem heue.<sup>11</sup> Kix hoek dex veng Yebok mai praix dex sang faik ka kix tan mai kawncau ah nin ka simiang tix, "Kieh ex veh dauxvengin, dee koe pui Yebusixmai peung tanheue."<sup>12</sup> Viang mawh nan, simiang nawh

deeh ah nin, "Ex ang pon ti veh daux veng pui tang ceu pa ang mawh pui Isarelax, ex tak hu ka veng Giba heue." <sup>13</sup> Mawh kheu nan, nawh ah nin ka kawncau tix, "Hoek heue, kieh ex hu tom hoek ka veng Giba, phan ang mawh nan veng Rama angah mai it tan sawm in heue." <sup>14</sup> Kix lih khaingtan mai hu kraxhu tix, singaix klip ka kix hawt dex veng Giba daux haktiex pui Benyamin heue. <sup>15</sup> Yam laig kix daux veng Giba sonsang peung tan, ang koe pui pa viex kix laig ka dee peung, nawh ngawm ka daux bingpak daux veng heue. <sup>16</sup> Yam an kix yaox tax kuad tix kaux, pa kaoh khaing dee yuh tix kaing daux tong kaung hoek bleeh ka kix plak ponbo, nawh mawh pui pa kaoh khaing gawng Epharim pa hoek peung ka veng Giba, ka daux veng Giba mawh pui Benyamin pa ot kah heue. <sup>17</sup> Yam maong nawh ti jhak nawh yaox ka pui hu krax an kix pa ngawm daux bingpak daux veng mai kuad an ah nin ka kix, "Sang hu pex krax mawx, kaoh pex khaing dee mawx?" <sup>18</sup> Mai nawh deeh ah nin, "Yix kaoh khaing veng Bieliehiem meung Yudax mai yix sang hu ka plak praok caong gawng Epharim, aux mawh pui pa ot tan, aux hoik hu ka veng Bieliehiem meung Yudax mai yam in sang hu ka nyiex buan Simiang Siyiex, pui rieb aux laig daux nyiex tix ang koe tix kaux kawx heue. <sup>19</sup> Yix koe brex nghox mai rib kroh son la yix mai blah khawm rawm plix siiet son tokaux yix, khawm son moeng, son kawncau sibun pa ot tau mai tix, yix ang lai lo tix ceu kawx heue." <sup>20</sup> Pui kuad an ah nin ka kix, "Kieh pa nhim koe tau mai maix liak, canceu pa lo maix khankix kieh mawh beeh glawm aux, paw doh it ka daux bingpak daux sawm in," <sup>21</sup> nawh viex kix laig ka daux nyiex tix mai tawx la kix sawm mai kix khoek caong tix mai ih nyaux heue.

#### *Grawng Yuh See Veng Giba*

<sup>22</sup> Yam tak yuh kix pa nyawmrhawm tokaux tix, Jhak heue, pui caox tixblah hoek ti lailawm ka nyiex mai klah ka siviex, kix ah nin ka kuad cao nyiex, "Teei pui pa hoek peung daux nyiex maix lih plak praix, sonsang yuh paoxtawng tau mai nawh heue." <sup>23</sup> Yam an, cao nyiex lih plak praix ah

nin ka kix, "Puxaik khankix eue, ang chix! aux khioxkhaw ka pex, paw doh yuh pa caoxcaig liak! Pui in mawh pa hoek peung ka daux nyiex aux, paw yuh kaing ceu pa seeingbraiyuhnin liak." <sup>24</sup> Kawn bunkrih aux mai moeng iak simex in koe tin, kieh aux viex kiex lih ka praix yam in, map nai kiex mai yuh can pa koe rhawm pex ti sang yuh ka kiex, viang mawh nan paw doh yuh ceu pa caox ka simex in!" <sup>25</sup> Viang mawh nan, pui an kix ang nghiet lox nawh, mawh kheu nan pui Lewix an, teei moeng iak tix mai viex lih plak praix ka kix, kix ludvao mai nawh leeingsawm tom hoek ponngawb yam jah praix ti riieng, kix deeh ploi sibun an lih hu heue. <sup>26</sup> Yam bah riieng praix sibun an deeh hoek kanyiex dee peung mex tix mai goh it hawt siviex nyiex tan tom lih singaix heue. <sup>27</sup> Yam hoik kaoh mex nawh khaing it tix ponngawb, nawh paoh siviex nyiex sonsang lih hu krax hu tix, nawh yaox ka it moeng iak tix hawt diang siviex nyiex mai deuh taix ti ka piang siviex heue. <sup>28</sup> Mai nawh ah nin ka sibun an, "Kaoh, hu ex phao," viang mawh nan sibun an ang pon pawk lox nawh, mawh kheu nan simex an yaog tix sau nawh ka piangla mai ing ka dee ot tix heue. <sup>29</sup> Yam hoek nawh daux nyiex tix, nawh teei vaid tix kre mai tat nex moeng iak tix khawm si-ang, koe kao ra baux mai tawx hu ka can dee ot pui Isarelax khawmuik heue. <sup>30</sup> Can pui pa yaox ka ceu in khawmuik, kix ah nin, "Kaing ceu in ang mawx sax yuh mai ang sax koe, jah tom singaix lih pui Isarelax khaing haktiex Ejiptux, tom hoek daux in singaix, keud ti yaox grawng in mai kum paox tix grawng sang cawtiyuuh ka mawx heue."

#### *20 Naing Isarelax Mai Benyamin*

Yam an pui Isarelax lih hoek khawmuik, jah khaing veng Dan tom hoek ka veng Berashebax tau mai haktiex Gilat khankix, hoik mawh rhawm tix mu tau mai khrawm paox tix ka plak sivoe ngai Simiang Siyiex kadaux veng Mizapa heue. <sup>2</sup> Cao kaing doebru pui Isarelax khawmuik khrawm paox tix hoek ka dee kumkawng pui Siyiex tau mai nyawm lien pa giex vaid pon sien kaux heue. <sup>3</sup> Pui Benyamin mhong ka lih hu pui Isarelax ka veng Mizapa, yam an pui Isarelax chawk ah

nin, "Krai yix mhong grawng kaing pa caoxcaig in mawh pa koe yuh ka mawx?"<sup>4</sup> Pui Lewix pa mawh mex sibun pa hoik yum an deeh pawk lox ah nin, "Moeng iak aux mai aux hoek ka daux veng Giba veng pui Benyamin sonsang lauxlee ti tan daux sawm an heue.<sup>5</sup> Pui veng Giba khankix hoek lailawm nyiex peung aux, daux sawm an sonsang pah ka aux, kix hoik map nai moeng iak aux, tom hoik yum kiex heue.<sup>6</sup> Mawh kheu nan, aux tee tokaux yum moeng iak tix mai tat koe baux mawx baux an mai roi hu daux haktiex sinngao dee kuang pui Isarelax khawmuik, mawh kheu kix hoik lud mai khin ti yuh pa caoxcaig ka daux sinax pui Isarelax heue.<sup>7</sup> Pex mawh pui Isarelax, rom pex keud ti prawngca dee in liak."<sup>8</sup> Khaix an pui khawmuik yaog ti kaoh awm pa koe rhawm pui tix kaux khaing ah nin, yix tak ang lai ing nyiex gox tix, phan ang mawh nan ka nyiex tokaux tix tix kaux kawx heue.<sup>9</sup> Viang mawh nan, in mawh ceu pasang yuh ex ka pui veng Giba yam in, "Ex tak hu puing veng an, ka daux pa cawk niep heue.<sup>10</sup> Ex tak laug pui khaing doehru pui Isarelax khawmuik, khaing pui tix yieh, kao kaux, khaing pui tix rheng, tix yieh kaux mai khaing pui tix mheen, tix rheng kaux sonsang hu tawx priex preem ka son pui naing khankix, yam hoek kix ka veng Giba ka daux haktiex Benyamin, kix tak pon ti deeh pawk pa caoxcaig pa hoik yuh kix ka pui Isarelax heue."<sup>11</sup> Mawh kheu nan, pui Isarelax khrawm paox tix, daux pa robrom grum phroik mai puing ka veng an heue.<sup>12</sup> Pui Isarelax ploipui hu ka dee ot pui Benyamin ah nin, "Krax caoxcaig pa hoik yaox ex daux sinax pex in, mawh pa yuh ka mawx?<sup>13</sup> Yam in ap pui khankix pa hoik yuh pa caox ka daux veng Giba, sonsang pah yix kix yum mai sonsang teei yix ti tik pa caoxcaig in khaing daux pui Isarelax," viang mawh nan kawn praix pui Benyamin ang nghiet ka lox krai puxaik kix pui Isarelax heue.<sup>14</sup> Pui Benyamin deeh khrawm paox tix khaing veng kix ku veng mai hoek ka veng Giba sonsang yuh naing ka pui Isarelax heue.<sup>15</sup> Yam an pui Benyamin pa kaoh khaing daux veng kixkuveng pagiex vaidlih hoekramheen

liah rheng kaux, lheu khaing an pui pa ot ka daux veng Giba pa hoik laug kix ti deuh koe aliah yieh kaux heue.<sup>16</sup> Ka daux sinax pui inkix khawmuik pa hoik laug kix ti deuh aliah yieh kaux, mawh pui pa koe riang taix khawn goix mai mawh pa chix puing lon simaox ka ak maox vudvied, pa ang lai khluk khlaik pie ka gawng hauk tix gawng heue.<sup>17</sup> Lheu khaing pui Benyamin pui Isarelax pa hoik simin kix ti deuh pa viex vaid tix koe pon sien, pui in khankix mawh pui naing khawmuik heue.<sup>18</sup> Pui Isarelax kaoh mai hu daux nyiex buan Siyiex mai chawk ah nin ka Siyiex, "Daux cub yix, mawh cub mawx pa caw ti puing ka pui Benyamin sivoe paox tix lie?" Simiang Siyiex ah nin ka kix, "Mawh cub pui Yudax pa caw ti lih hu sivoe heue."<sup>19</sup> Pui Isarelax khankix kaoh ponngawb caocao mai hu yuh tab hawt veng Giba heue.<sup>20</sup> Pui Isarelax hu puing ka pui Benyamin mai yuh naing ka kix sivoe veng Giba heue.<sup>21</sup> Yam an pui Benyamin lih khaing daux veng Giba mai pah pui Isarelax goh piang tiex, ra mheen ra yieh kaux ka daux singaix an heue.<sup>22</sup> Pui Isarelax viex rhawm vao mai sau riang tix mai baox yuh naing ka dee hoik yuh kix naing daux singaix phaoka heue.<sup>23</sup> Khaix an, pui Isarelax hu mai yiemyo ka plak sivoe Simiang Siyiex tom hoek plak bo mai chawk ka Simiang Siyiex ah nin, "Mawh kawn sang yaox yix ti hu yuh naing ka puxaik yix pui Benyamin lie?" Simiang Siyiex ah nin, "Lih hu mai puing ka kix heue."<sup>24</sup> Mawh kheu nan, pui Isarelax deeh hoek dex pui Benyamin ka daux ra ngaix tix ngaix heue.<sup>25</sup> Pui Benyamin lih khaing veng Giba daux ra ngaix tix ngaix mai pah pui Isarelax ka vaid goh piang tiex tix mheen daix rheng kaux heue.<sup>26</sup> Khaix an cub pui hun Isarelax hu ka nyiex buan Siyiex tau mai yiemyo tix, kix ot ka plak sivoe Simiang Siyiex mai tuah pa ih leeingngaix tom hoek plak bo mai kix tan krax tan pa gleeing mai krax tan pa nhim ka plak sivoe Simiang Siyiex heue.<sup>27</sup> Ka daux baux bawgyam an Phinehat kawn simex Eliaza kawn saux Arun mawh cao pa pau sivoe teug sijax mukheu Siyiex, yam an, pui Isarelax chawk ka Simiang Siyiex mawh kheu teug sijax mukheu Siyiex kawn koe ka daux veng Betelax,<sup>28</sup> ah nin, "Mawh

kawn caw yix ti baox puing ka puxaik yix pui Benyamin lie? Phan ang mawh nan ang lai caw ti hu lie?" Mai Simiang Siyiex deeh ah nin, "Lih hu heue, pasax, Aux tak ap kix ka daux taix pex heue." <sup>29</sup> Khaix an, pui Isarelax ploi pui hu yuh naing jawm hawt vungviang veng Giba khawmuik heue. <sup>30</sup> Pui Isarelax lih hu puing ka pui Benyamin ka daux loe ngaix tix ngaix mai yaog ti laig daux bang naing mai kix puing ka veng Giba awm bawg phaoka heue. <sup>31</sup> Mawh kheu nan pui Benyamin lih hu puing ka pui khankix mai kix hoik singai hu khaing daux veng, kix jah ti pah pui tixblah ka piang krax ting pa hu ka veng Betelax mai krax pa hu ka veng Giba daux kaung, awm singaix pa luan, kix pah pui Isarelax yum tixngoe kaux heue. <sup>32</sup> Pui Benyamin deeh ah nin, "Kix hoik som ka plak sivoe ngai ex, awm singaix jah heue." Viang mawhnan pui Isarelaxah nin, "Kieh exto mai nyaw kix lih hu singai khaing veng ka piang krax ting heue." <sup>33</sup> Mawh kheu nan, pui Isarelaxkhawmuik yaog ti kaoh khaing dee ot tix mai puing ka kix hawt veng Balaxtama, pui Isarelax pa yuh naing jawm kawx kaoh khaing dee ot tix ka daux lung Giba heue. <sup>34</sup> Mai simex pa hoik laug kix ti deuh tix mheen kaux khaing daux pui Isarelax, hoek ti puing ka veng Giba mai naing hoik kied kin tete, viang mawh nan pui Benyamin ang nyang tawng krax pa lauxleeing pa dex sang hoek ka piang tix heue. <sup>35</sup> Simiang Siyiex hoik kieh pui Benyamin som ka plak sivoe pui Isarelax mai pui Isarelax hoik yuh laux ka krunaing giex vaid pui Benyamin ra mheen phuan rheng tix yieh kaux daux singaix an heue. <sup>36</sup> Mawh kheu nan, pui Benyamin hoik tawng ka hoik som tix, pui Isarelax deeh plak khaix sivoe pui Benyamin, mawh kheu hoik een kix rhawm tix ka pui pa sang yuh naing jawm khankix pa hoik deuh kix hawt sivoe veng Giba tan heue. <sup>37</sup> Pui pa pau ti yuh naing jawm khankix yaog tix jaox mai laig puing daux veng Giba, hoik tah daux veng khawmuik mai pah kix ka lawm vaid heue. <sup>38</sup> Mhai pa hoik tat kix ti deuh sinax pui Isarelax mai can pui pa yuh naing jawm khankix, mawh nin, kix tak kieh taox ngu pa ting tix mu, yaog tix haok khaing daux veng, <sup>39</sup> yam deeh pui Isarelax plak khaix tix daux bang naing, pui Benyamin hoik jah ti pah pui Isarelax

been tixngoe kaux mai kix ah nin, "Kix hoik baox som ka plak sivoe ngai ex awm daux naing bawg jah phaoka heue." <sup>40</sup> Viang mawh nan, yam hoik jah taox ngu ti haok awm ceep paiawm khaing daux veng, pui Benyamin jhak ka plak khaix tix mai yaox haok taox ngu ka raoma khaing daux veng khawmuik heue. <sup>41</sup> Yam an pui Isarelax deeh veeh ti hawt ka plak khaix kix, pui Benyamin hoik koe krax pa daoxdeng kah, mawh kheu hoik yaox kix hoek krax lauxleeing ka piang tix heue. <sup>42</sup> Mawh kheu nan, kix daoxdeng ka mai veeh ti to sivoe pui Isarelax plak see daux tiag, viang mawh nan, pui naing deeh krup kix tan mai yuh can pui pa hoik lih khaing daux veng daux yaong khankix, laux leeing ka daux sigreung kix heue. <sup>43</sup> Kix hoik lailawm pui Benyamin mai niied ti baox pheet kix mai hoik pon ti dugdig kix jah ka yaong Nukha tom hoek sivoe veng Giba ka plak lih singaix heue. <sup>44</sup> Pui Benyamin hoik goh ti yum tix mheen daix rheng kaux, pui inkix khawmuik mawh pa koe rhawm vao rhawm cong heue. <sup>45</sup> Pui pa kawn deuk khankix deeh veeh ti to plak daux tiag ka rang Rimon, pui pa pheet khankix hawt pon mug kix yum hawt krax phuan rheng kaux, kix deeh niied tihawt khaix kix, tom hoek ka veng Gideon mai baox pah kix yum ra rheng kaux heue. <sup>46</sup> Mawh kheu nan, pui naing pa koe rhawm kua rhawm vao pa giex vaid daux naing son pui Benyamin pa hoik yum daux singaix an, koe ra mheen phuan rheng kaux heue. <sup>47</sup> Viang mawh nan, pui liah yieh kaux, deeh veeh ti to daux tiag ka rang Rimon mai kix kut ti ot daux rang Rimon tan pon khix heue. <sup>48</sup> Pui Isarelax deeh veeh ti ing mai baox puing ka pui Benyamin can pui mai tobrie pa yaox kix ka daux veng khawmuik kix mug kix yum ka lawm vaid tix mai kix keeig ti tik yaong mai veng can pa yaox tix khawmuik heue.

### **Tawx Pui Benyamin Koe Moeng**

**21** Pui Isarelax hoik tiextu ka daux veng **M**aha ah nin, "Pui tix kaux kawx tak ang pon ti tawx pui Benyamin khankix moeng ka kawn sibun tix heue." <sup>2</sup> Pui khankix hoek ka nyiex buan Siyiex mai ot ka plak sivoe Siyiex tan tom hoek plak bo, kix riagyo ti yiim <sup>3</sup> mai ah nin, "Simiang Siyiex pui Isarelax eue, kaing pa sang kieh rupui tix cubgrai

khaing daux pui Isarelax, daux in singaix lih koe kheu patix?"<sup>4</sup> Mawh kheu nan pui khankix yaog ti kaoh ponngawb caocao mai sum khu dee tan tix mu tan mai tan krax tan pa gleeing, khawm krax tan pa nhim heue.<sup>5</sup> Pui Isarelax khankix ah nin, "Mawh pui mawx pa ang hoek ti kum tau mai paox tix ka plak sivoe Simiang Siyiex khaing daux doebru pui Isarelax lie?" Mawh kheu kix hoik yuh krax tiextu pa kied ting, son grawng pa dex mai pui pa ang hoek ka plak sivoe Simiang Siyiex daux veng Mizapa "Tak pah nawk yum heue."<sup>6</sup> Pui Isarelax kied lauxrhawm ka son pux kix Benyamin mai kix ah nin, "Doehru pui tix cub hoik grai khaing pui Isarelax daux in singaix heue."<sup>7</sup> Mawh kheu hoik tiextu ex ka Simiang Siyiex, son ang ex lai tawx kix moeng kawn sibun tix, ex tak sang yuh ka mawx, sonsang koe moeng pui pa kawn deuk an khankix lie?"<sup>8</sup> Mai kix ah nin, "Khaing daux doebru pui Isarelax, mawh pui mawx pa ang hoekkaveng Mizapa ka plak sivoe Simiang Siyiex lie?" Yaman, kix yaox mawh pui veng Yabiet pa ot daux haktiex Gilat pa ang hoek daux bang dee khrawm pui khankix paox tix, tix kaux kawx heue.<sup>9</sup> Mawh kheu Yam simin kix ti yaox ka pui khankix, pui pa ot ka daux veng Yabiet daux haktiex Gilat, ang lai koe tan pie tix kaux kawx heue.<sup>10</sup> Mawh kheu nan, cub pui hun deeh ploi pui pa kied koe rhawm kua rhawm vao tix mheen ra rheng kaux hu tan mai tawm lox ka kix ah nin, "Hu mai pah ti tik pui pa ot ka daux veng Yabiet daux haktiex Gilat khankix ka lawm vaid pex, simex, sibun mai kawn nyawm khankix heue.<sup>11</sup> Pa sang caw pex ti yuh, pex tak yuh simex, sibun kukaux pa hoik koe mex khankix lauxlak pakleeing heue."<sup>12</sup> Mawh kheu nan, kix yaox bunkrih pa ang nyang koe mex ponyieh kaux daux sinax pui pa ot daux veng Yabiet daux haktiex Gilat mai viex kix hoek ka daux bang dee peung tix daux veng Shilaw daux haktiex Khanan heue.<sup>13</sup> Khaix an, cub pui hun khawmuik deeh ploi pui hu krai ka pui Benyamin pa ot hawt rang Rimon mai krai pao lox pa nhimrhawm ka kix heue.<sup>14</sup> Mawh kheu nan, pui Benyamin deeh hoek daux bawgyam an, pui Isarelax tawx kix moeng sibun pa hoik deuh kix im

ju, pa mawh sibun veng Yabiet daux haktiex Gilat, viang mawh nan sibun ang nyang kub son kix heue.<sup>15</sup> Pui Isarelax kied koe krax lauxrhawm son pui Benyamin, mawh kheu Simiang Siyiex hoik yuh ceu pa lauxleeing koe daux doebru pui Isarelax heue.<sup>16</sup> Khaix an, kuad cao kaing cub pui hun khankix ah nin, "Mawh kheu hoik lauxleeing sibun pui Benyamin, ex sang yaox sibun dee mawx son pui pa kawn deuk khankix lie."<sup>17</sup> Mai kix ah nin, "Son ang doebru pui tix cub lai grai khaing daux pui Isarelax, caw ti koe haktiex sinngao son pui Benyamin dee pa pon glawd tix dah heue.<sup>18</sup> Viang yuh ka mawx kawx, ex ang pon ti tawx kix moeng kawn sibun ex heue. Mawh kheu pui Isarelax hoik koe lox patiextu ah nin, kieh krax pajhaxlawg koe ka piang pui pa tawx kawn sibun tix mex ka ceu pui Benyamin heue."<sup>19</sup> Mai kix ah nin, "Jhak heue, pawie Simiang Siyiex koe tix num tix bawg daux veng Shilaw plak laong veng Betelax plak toh ka krax ting jah ka veng Betelax tom hoek ka veng Shekhim pa koe plak jee veng Lebawna heue."<sup>20</sup> Mawh kheu nan, kix tawx lox ka pui Benyamin ah nin, "Hu mai jawm ti pau daux sipeem plix siiet khankix,<sup>21</sup> yam lih hu kawn sibun veng Shilaw daux pawie mai graoh tix, pex lih khaing daux sipeem plix siiet mai hu giex ti moeng sibun an kix son tokaux tix mai viex ing ka haktiex pui Benyamin heue.<sup>22</sup> Phan keeing kix mai puxaik kix hoek ti ah grawng see ka yix mai yix tak ah nin ka kix, koe krax pa cauxrhawm ka kix mai jhak ka pakngai yix liak, mawh kheu yix ang lai deuh moeng kix son kix pie tix kaux kawx ka daux naing, jao ang tie mawh pex pa tee ti tawx kawn sibun inkix ka kix daux bawgyam in, phan koe krax lud ka lox pa hoiktiextu pex heue."<sup>23</sup> Pui Benyamin hoek ti yuh awm an mai teei moeng son tokaux tix awm diag koe kix, khaing daux kawn sibun pa hoek graoh tan mai giex kix ing ka daux haktiex sinngao tix mai kix deeh cox ti sum veng mai ot tan heue.<sup>24</sup> Mawh kheu nan, bawgyam an pui Isarelax lih hu khaing tan maiing ka dee ot tix mai doeh nyiexma tix, ka daux haktiex sinngao kix heue.<sup>25</sup> Ka daux baux bawgyam an pui Isarelax ang nyang koe simiang, pui kukaux tang yuh awm pa yaox nawk mawh pa khawcaw ka ngai tokaux tix heue.